



皇朝文典卷六十四

諭祭賢王祠文

諭祭賢良祠文

諭福敏 黃廷桂

許世亨

尹繼善

劉綸

劉統

勳

舒赫德

王杰

劉墉

錢陳羣

覺羅奉

寬

董邦達

朱珪

策凌入賢良祠祭文

諭祭功臣祠文

福康安入獎忠祠祭文

又入昭忠祠祭文

額勒登保褒忠祠祭文

明瑞建祠祭文


傅恒宗祠祭文

皇朝文典

目錄

哈什屯等宗祠祭文

遏必隆等宗祠祭文





盛京賢王祠祭文 乾隆十九年 修撰 臣 莊培因恭撰

朕惟風雲翊運明德首建懿親鐘鼎銘勲宗功聿  
推元祀綸綍致專祠之禮念篤前勞烝嘗隆備物  
之儀事踰恒典惟王等忠貞植節果毅性成屏翰  
初分遂作長城之寄桐圭旣剖克宣專閫之威或  
握奇運籌決勝千里或披堅執銳勇冠三軍靖苞  
蘖于中原掃氛霧于四野用能匡扶締構翼贊經  
綸嘉績懋乎

先朝聲稱著乎來許朕載巡舊里言考

遺謨絜矢戢于肇億載太平之業櫛風沐雨緬當年百戰  
之勤矧在宗牒之壯猷實切予衷之景慕遙觀曼

皇朝文典 卷六十四

頌用布苾芬嗚呼帶礪河山展親與酌庸並重旂

常日月後先偕疏附同垂松栢有延式煥維新之  
象桂樽旣飭彌深由舊之懷靈其有知尙克歆承

賢良祠祭文

侍講臣鄒升恒恭撰

功銘鐘鼎尙書崇元祀之文德冠巖廊周禮著大  
烝之典蓋旂常載績本臣子之素懷而俎豆薦馨  
乃朝廷之崇報爾和碩怡賢親王望重親賢粹鐘  
川岳竭忠誠而體國著勲德於當年大學士公圖  
海等或當

烈祖開基之日佐命立功或際

熙朝極盛之時宣猷贊化或驅除暴亂定疆宇於域中  
或震耀聲靈收版圖於海外內則台星卿月奏亮  
工熙載之勲外則賜鉞授麾襄阜物安民之治老  
成謀國者進黃髮之嘉猷清白持身者表素絲之

皇朝文典

卷六十四

又一

高節純勤盡職則夙夜匪躬密勿承休則堂廉一  
德我

皇考追思前蹟特煥褒綸崇廟宇於神京布几筵而時祭  
蓋以表揚旣往沛酌庸褒德之恩激勸將來勵懷  
古欽風之志朕寅承丕緒嗣舉舊章撫節物以懷  
賢潔牲牢而致享於戲名傳史牒美茂績之長昭  
禮重明禋緬英靈而如在莫茲清酌尙克歆承



大學士福敏入賢良祠祭文

朝廷恩禮者碩風勵聯常矧宅臺鼎之司復膺師  
儒之望既著成勞于冊府必申報祀于秩宗式是  
彝章光于奕葉爾致仕大學士福龍翰先生植學  
淵醇飭躬端亮潛修篤志任詞垣列選之初砥節  
奉公荷

皐考殊常之遇出持龍節歷浙楚以宣猷入領烏臺肅紀  
綱而執憲朕曩以冲齡曾資啟迪暨乎踐阼俾預  
鈞樞拒道範于傳經恬澹實純儒之素鑒蓋誠于  
贊化嚴重有大臣之風左右圖書永惟舊學晦明  
風雨猶記昔年當其中外服勞初中之操罔懈及  
夫林泉養性進退之禮彌優歸然邦國之模允矣  
賢良之祀戴頒綸綍特薦牲醪嗚呼絳帷之講席  
云遙竟證兩楹之奠黃髮之令儀儼在允貽百世  
之休靈而有知尙克歆享

皇朝文典

卷六十四

二

陝甘總督黃廷桂入賢良祠祭文

侍讀臣劉星煒恭撰

上相領鈞衡之重績著匪躬台司膺節制之權功  
惟勤事命禮官而考行稽策府以銘恩載肅精禋  
用襄懋典爾黃廷桂才優幹濟志秉公忠宣勤專  
聞之司文通武達敷歷巖疆之寄吏畏民懷晉鼎  
鉉之崇階錫孤卿之峻秩仍移揆席俾總師言展  
嘉謨于帷幄之中措絕域于指掌之上芻糧來道  
旣士飽而馬騰歌舞載塗遑行齋而居送用是整  
軍經武和衆豐財九邊之畔作不驚萬里之儲胥  
允賴朕勞人在念中夜以興籍有老成屹然巨鎮  
被以章服錫之介圭天奪我良奄捐館舍覽其遺  
疏洞達邊情是真社稷之臣宜備哀榮之典嘉乃  
不績紀于功宗命列祀于賢良庶永垂于廟食嗚  
呼雲臺旌伐耿賈垂盪寇之勲麟閣酬庸房杜著  
經邦之畧罔俾前喆專美汗青靈而有知尙其歆  
格



許世亨入祀賢良祠祭文 侍讀臣陳萬青恭撰

建武宣威樹幹材於專閩涉危矢節昭義烈于邊  
陲惟教身克効蓋忱斯垂祀倍優卹典爾許世亨  
戎行起跡熨微馳聲奪碣臺于金川早膺勇號統  
舟師于閩海益勵銛鋒緬勞勩之屢宣久褒榮之  
遞錫汨乎赴援黎氏因之深入阮疆義凜乎聲罪  
致師詎遺絕域志切于効忠殫力遂越重關旣迅  
矢以先驅旋跳梁之駢集護督師以尊國體出險  
攸資忿仇方而壯軍聲捐軀不顧用愍濟艱之烈  
持加予諡之榮賞及世而爵秩崇封祠有官而賢  
良並譽於戲叩行營而納款南交之臣服維新勩

皇朝文典 卷空四

四

國事而死緩北闕之恩光式賁靈其不昧庶克欽

承

天恩去歲靈靈聖聖主精秉楚晉嗣以萬國出師  
交而平持對察刃因之將入武勝尋擊中經罪  
典論于閩前益彌維繼繼繼之要入夙榮之  
天行聖聖聖聖聖聖聖聖聖聖聖聖聖聖聖聖  
聖聖聖聖聖聖聖聖聖聖聖聖聖聖聖聖聖聖  
聖聖聖聖聖聖聖聖聖聖聖聖聖聖聖聖聖聖  
聖聖聖聖聖聖聖聖聖聖聖聖聖聖聖聖聖聖  
聖聖聖聖聖聖聖聖聖聖聖聖聖聖聖聖聖聖  
聖聖聖聖聖聖聖聖聖聖聖聖聖聖聖聖聖聖

尹繼善入賢良祠祭文  
臣曹仁虎恭撰

皇帝

諭祭於太保大學士尹繼善之靈曰調鼎鼎以垂庸  
久資翊贊賁賁絲綸而展郵宜備哀榮勛名旣中外之  
咸宜恩禮自始終之罔缺旂常式紀俎豆爲昭爾尹  
繼善精白禔躬恪恭矢志蓬山列選早傳珥筆之長  
繡襮分猷旋舉建牙之任旣勤宣於治水遂化洽於  
撫吳進持制府之旌迭秉提封之節繼俾入司朝政  
尙書高畫省之班亦嘗出佐戎樞忝贊劾金川之略  
屬以兩江之殷庶更資比歲之拊循輿望咸孚指福  
星於一路治綱具舉爲霖雨於三霄是以翠輦來巡

皇朝文典

卷五

五

頰荷入疆之慶因之黃扉進擢遂忝持軸之猷兼  
曝直乎內廷更綜司乎詞院章平澤遠看接武於  
台階方召名高待陳謨於禁陛蓋誠益著毗倚方  
長邇當前席之趨承漸見形神之委頓故令屬車  
免扈深期邸第之養和每從封奏以垂詢特遣御  
醫而珍治乃自迴鑾之後竟虛詣闕之期惟存問  
之有加已宿疴之難愈遽聞溘逝彌用愴懷命皇  
子以奠鴈飭有司而給帑晉崇階於太保克紀功  
宗傳令聞於賢良丕光懿典延諸廟食奉以祠官  
於戲垂汗簡之休稱猶念老成之績備釐卣之秩  
祀庶酬良弼之勞靈而有知服予顯命



大學士劉綸入賢良祠祭文

臣 吳壽昌恭撰

皇帝遣

諭祭於原任大學士劉綸之靈曰薇閣重鈞衡之運  
佐軸宣猷桂祠揚籩俎之芬釐卣稽典惟清勤之  
夙懋如著藁章斯優卹之頻加榮分冊府爾劉綸  
制科袞首詞職華膺鵠列仙班秘省充校書之選  
鶯遷卿寺塞垣賦奏御之篇遂由報國之文章試  
以立朝之政事周六官之有貳率屬分勞漢獨坐  
之成三鳴騶示肅洎乎內廷進直賡颺追臯益之  
風密旨親承制誥邁常揚之體而慎言禁樹誠抱  
傾葵爾位靖共踐斗臺而益勵乃心精白居鼎鉉  
以彌昭正倚毗之方長何謝徂之遽及降溫綸而  
存問夜壑終移予茂典以哀榮春官載勅宮傳之  
崇銜特晉賢良之秩祀攸隆庶使傳說星明留輝  
紫耀九齡風在遺想黃扉於戲懷降嶽於初生竟  
嘆龍蛇而致厄賜明禋於用享同銘彝鼎以垂麻  
靈而有有知服予顯命

皇朝文典

卷六十四

六

大學士劉統勳入祀賢良祠祭文臣曹仁虎恭撰

皇帝遣

諭祭於太傅原任大學士劉統勳之靈曰領崇班於  
薇閣端資亮采之猷徵秩祀于桂祠式重酬庸之  
禮維靖共之夙懋望著樞衡宜褒卹之加優輝延  
鼎俎爾劉統勳禔躬端重矢志恪誠通籍清華早  
擅承明之選珥毫侍從爰分內直之榮朕圖任才  
賢共襄治理惟宮端之特擢遂卿貳之優登佐勅  
法于秋官肺石克稱明允籌榷塘於海甸輜車備  
於咨諏肅鳴騶而載秉臺綱綜轉粟而並持漕節  
服榮匪懈展力爲多昇之疾舌之司俾省曹之疊

皇朝文典

卷空四

七

掌委以腹心之寄許機幄之參知旬宣則中外咸  
宜精白則始終如一用是洊升揆席進陟台階汝  
則矢慎水鏡懷方嶽立任兼粉署仍劇務之均咨  
官長詞垣復文章之總領作冑筵之表率雅範攸  
資輯冊府之圖書編摩是統方喜年逾七袞尙勵  
清勤何期疾作崇朝俄聞奄逝命所司而給帑紆  
夙駕以奠觴禮具鋪終旣崇銜之載晉各尊表行  
庶令聞之不昭詔彼祠官垂諸廟食於戲宮廷畫  
接思風度之依然禁掖晨趨悵老成之遽謝嗟歲  
行之在己厄我賢臣允異命之重申光茲懿典言  
行佇簡編之紀春秋升籩豆之馨靈而有知稿



大學士舒赫德入祀賢良祠祭文

檢討臣季學錦恭撰

溯勤施於夙夜論功而文武兼資食美報於馨香  
舉典而哀榮脩至眷成勞之足紀用秩祀之攸崇  
爾晉贈太保原任大學士舒赫德素勵精純久膺  
簡異初簪毫於鳳掖施筵羽於烏臺望屬卿材班  
列棘墀之序職司門籍掌兼蘭錡之兵綜旂務而  
董率攸資直禁籟而機宜光贊屬以削平準部屢  
施策勵於嚴懲洎乎綏靖回疆克奏勲名於絕徼  
寵賁凌烟之讚嘉迺丕猷特崇戴斗之階彰茲優  
眷當西陲之樹崗值荒服之欵關拊循體懷遠之

皇朝文典

卷六十四

八

經安集慰歸仁之願爰超登於台席兼晉授夫官  
銜秩長詞垣迪卷阿之吉士籤排書史領秘閣之  
清班會左道之潛滋向通津而倡聚知方鼓勇詰  
奸則勁旅親搗復業騰歡浹日而邪氛迅掃冠垂  
翠羽誌殊錫於雙圓圖繪紫光著豐功於兩度惟  
恪勤之罔間正毗倚之方殷乃緣襄禮於

山陵因以隨行於帳殿時疴乍邁飭醫使以就調溘逝俄  
聞摛誄詞而志悼賜卹準禮官之義追褒隆太保  
之稱彙典式循賢良予祀垂諸廟食播厥馨聞於  
戲緬歆歷於曩時殫中外服勤之力安明禋於此  
日答寢興匪懈之忱靈而有知庶其歆格

大學士王杰入祀賢良祠祭文

鮑桂星恭撰

綸扉贊治書嘉作楫之材銘鼎酌庸禮重升香之  
報榮施勿替茂典其承爾予告大學士王杰勵志  
忠清禋躬直勁森老成之矩獲著端謹於班聯賦  
日千言筆挾西秦之氣臚雲五色各魁東觀之英  
皇考鑒爾肫誠加之簡昇自詞垣而晉擢由宮尹以升華  
三視學於虎林一持衡於閩嶠春官桃李屢出其  
門髦士菁莪不遺於野貳水衡而五材飭參秋典  
而三法平秩宗贊其寅清銓政推其簡要總司憲  
府悲風木以遄歸遙授兵樞許里居而終制彤駟  
再入司喉舌于容臺紫陛頻趨委腹心於機幄作

皇朝文典

卷六四

又

胄筵之表率承講座之都俞爰陟台階游登揆席  
汝則懷方嶽立矢慎冰兢力絕苞苴飲廉泉而愈  
潔勤襄密勿詢溫室以無言兩番叨賜杖之榮一  
旦切投簪之請俾之乘傳寵以加銜皎皎白駒纘  
繆懷賢之什幡幡黃髮低個戀闕之心因錫賚以  
介眉乃趨朝而泥首肩輿便殿嘉饜鑠之依然易  
簣崇朝驚典型之頓謝奠觴申悼給帑飾終由保  
而傳而師遞膺宮秩自壯而耆而耄倚荷國恩旣  
予易名仍崇肆祀於戲西歸旒旒關山祇益悽其  
北望觚稜魂魄猶應睠此緬平生之風度邈矣九  
原薦明德之馨香垂諸百世靈其弗泯庶或來歆



大學士劉埔入祀賢良祠祭文

吳雲恭撰

台衡嗣武忠忱聿篤夫世勛鼎俎薦馨懋典式隆  
於秩祀憶雕筵之式啟會軫賢臣際粟主之載綏  
彌懷良佐明禋用舉幽壤斯光爾原任大學士劉  
埔尹陟蜚聲韋平紹美簪毫視草蓬壺禁近之班  
秉尺量材藻鑑人文之數逮剖符而典郡洎分鎮  
以監司先晉陽後建業克傳飲水之風始冀郡繼  
洪都益著褰帷之譽繡衣按俗頒條則二陝敷猷  
綸閣升華建節則三湘膺寄旋登獨坐總憲諸曹  
清切依光直形庭而給札從容翔步趨紫禁以鳴  
騶凡夫持衡議禮之司經武諧工之職甄才胄監

皇朝文典

卷六十四

九

師範端闡侍講論於經筵總編摩於史局迭邀簡  
畀累積賢勞舊命參知既式孚乎輿論洵居端揆  
允罔替乎家聲儉素弗渝恪勤匪懈昨以慈闈介  
壽子舍違顏念厥烏私給假遂承歡之願申之燕  
喜齋珍推錫類之恩方期渥眷攸加長荷龍光於  
蕭露豈意頽齡莫駐遽淪駒隙於榆暉茲當耐食  
之有期爰布綸言而誕告嗚呼亮采憶舊臣之績  
尙從乃父於九京耆英嘉晚節之香彌念若臣於  
一个昭茲休渥庶克來歆

錢陳羣八祀賢良祠祭文

編修臣張濤恭撰

朕惟望重耆紳養素鄉閭而表範禮加享食展儀  
薦薦以垂馨惟宿德著於朝端在國與在家協美  
斯厚卹昭夫邦典崇階與崇祀兼宜爾錢陳羣學  
濬遙源履基厚植始蜚聲於北院卽宣化於西秦  
旋進掌坊之銜游擢頭廳之列入內庭而參禁直  
司朝匭而佐納言考牧任夫罔卿遷秩領夫宮尹  
泊乎秩宗兼貳閣中仍學士之班因而司寇用襄  
棘下位刑官之副慎掄材於鎖院兩至豫章勤校  
士於黌宮三留畿輔方且厚期宣力庶鳳掖之常  
依旋因陳乞養病遂駕湖之遙返旣而里居多暇

皇朝文典

卷六十四

卷

宿疾全蠲惟鍵戶以著書時拈毫而流詠值翠華  
之南蒞晉銜而精視卿班迨鳩杖之北來入會而  
遊追香轍敷圖彤於秘府寵賜什於耆英上方之  
珍藥優頒中禁之雕鞍緩鞚爾則入辭丹陛願祝  
嘏以重來歸傍白雲矢賡吟而弗輟謂期頤之可  
致雖耄耋而逾強詎省郵章驟傷寢簣聿舉節終  
之盛制兼修入祀之隆文於戲瞻耆舊於江鄉芳  
徽未沫表賢良於京國芬苾斯陳靈而有知尙其  
來格



禮部尙書奉寬入祀賢良祠祭文

太師秩領三公任資啟沃舊學眷言一德禮答馨香偉茲養正之功式是崇儒之誼載稽茂典爰格明禋爾原任兵部侍郎贈太師禮部尙書奉寬立品溫恭宅心醴粹螭切遼羽登科書五色之雲鸞掖簪毫談藝奪十重之席經筵惇誨桓榮猶見老成籍府清班汲黯共推厚重直齋峯之第一在虎觀爲無雙公望咸孚令聞久著朕方就傅卿與承華非堯舜不陳於前以禮樂發形於外書帷育德蓋篤箴規講席覃恩動符楮則出佐爽鳩之職入參儀鳳之班旋貳樞衡獨精藻鑑矢節稟朱絲之直量材持玉尺之平揆敘未登典型遽邈前以初承丕緒首念遺徽追晉容臺特彰碩範溯生平之懿行典已易名緬夙夜之寅清祀應咸秩率時懿顯報以榮施允宜比跡前良流芬後芾崇祠幸啟偕紫綉以同輝清醑斯頒薦瑀筵而有秘於戲靖共爾位懷舊宿之流風主善爲師立臣鄰之盛軌勗就將於日月留義矩者卅年永綏祿於子孫執禮遵者百世其惟幽爽尙克歆承

禮部尚書董邦達入祀賢良祠祭文

嘉慶十二年

臣姚文田恭撰

承家有命誦芬懷舊德之遺贊國惟賢錫類軫前  
勞之選慶觀成於

寶錄文在典謨嘉濟美於台垣恩推彛鼎特頒紫綵式賁  
黃壚爾原任禮部尚書董邦達績學淵深植躬醜  
粹早躋詞館終陟容臺備侍從者卅載有餘長卿  
曹者六官之二文藝獨高於省苑勤能夙著於班  
聯貳銓政則守正不渝長官臺則庶僚咸肅湖事  
典統司之日精白交推洎秩宗拜命之年寅清益

勵沐

皇朝文典

卷六十四

七

恩榮於禁籞品冠西清垂義架於高門望儲東觀慶餘積  
善聿彰弼亮之休眷篤斐忱用廣教忠之報值  
鴻編之首叙榮逮所生喪鷺列以崇祠風茲有位敬敷  
遺澤懋獎純修於戲兩朝之遭際綦隆端由恭謹百世之  
馨香弗替允副顯揚尚克欽承永貽後嗣



大學士朱珪入祀賢良祠祭文

嘉慶十二年

經邦論道贊襄允賴乎耆臣稽典酬庸安伯宜崇  
乎禋禮勒鼎銘而紀錄已卓豐碑薦俎豆以告虔  
重申異命榮施勿替懋典其承爾原任大學士朱  
珪植品端方秉資醇厚湛深經術合漢宋爲一家  
淹雅文章儷天人之三策倫古哲懋修之選迴越  
恒儔荷

先皇特達之知謂堪大受爰自玉堂而拔萃遂膺繡服以  
巡方總憲外臺澤流楚甸開藩行省頒徧晉陽鎖  
院歸來倍聲和而刑正潛宮侍直資日就而月將  
闡史鑑之眞評惟循古訓導詩文之正軌不涉時

皇朝文典

卷六十四

七

趨躋階歷省署華資專闡荷封圻重任清比皖江  
之水民在鏡中高齊粵嶺之雲威行海表賢聲懋  
著玉節頻移碩望交推金甌佇卜朕勅幾親政馳  
召還朝掌六典於天官領三司於民部欽承

考志晉長官聯居鼎輔而庶事康總水衡而百工飭勤施  
弗懈益輸葵藿之誠啟沃良多不負鹽梅之任勵  
平生之介節力絕苞苴成當代之完人身無瑕玷  
忠貞納誨朝班時聽鳴騶儉素持躬廳事僅容旋  
馬至其疊司文枋屢典禮闈樹桃李於公門琢璠  
璣爲國器課芸館而楷模多土掌蓬壺而領袖羣  
仙侍講論於經筵總編摩於冊府迭邀簡畀累積

賢勞禮重杖朝俾昇輿而代步情殷戀闕猶趨陛  
以陳謨緣衰病之侵尋致劬躬之漸憊旣給養疴  
之假將循視疾之儀遺疏俄聞悼懷中摯賜觴申  
奠給帑飾終錫銜特贈崇階考行允符顯謚哀榮  
式備秩祀攸隆嗚呼一生敷歷之勤清風可挹迴  
憶朝叅之隔忠讜難聞式架範於三天報馨香於  
百世靈其來格歆此苾芬



額駙和碩超勇襄親王策凌入賢良祠祭文

編修 臣 張若需恭撰

名標竹帛書崇元祀之文績著邊陲禮紀大烝之  
典執干戈以衛社稷夙寄股肱布几筵而薦馨香  
式彰忠蓋爾定邊左副將軍固倫額駙和碩超勇  
襄親王策凌稟性樸誠賦質沈毅貴爲懿戚

兩朝之寵遇彌隆勇冠諸藩一代之鴻猷克壯圖丹青於  
麟閣倚重長城靖烽燧於龍庭威行絕塞英姿颯  
爽授旌鉞以猶新大樹蕭森歎弓刀之倏謝爰舉  
褒崇之禮時邀配食之榮異數頻加用示酬庸於  
勲舊明禋與享更隆秩祀於崇祠勲勞垂百世之

皇朝文典

卷六十四

十四

型俎豆賁千秋之色於戲緬屏翰之遺模精誠如  
揭承春秋之潔祀盛烈丕昭靈爽有知尙其歆格

左道忠靈顯定鑿空編泮軍河倫啓朝  
典海干戈以備並受夙奇聖道清及後  
名標竹帛書崇元祀之文績著邊陲禮紀大烝之

隆恩味顯誠

功臣廟祭文

編修 卞 錢陳羣恭撰

周禮有司勳之職名勒旂常祭法載勤事之文光  
生俎豆蓋舍生取義臣子抒報國之忱而褒德酌  
庸朝廷示作忠之典緬英標之如在宜渥澤之特  
頒爾和碩敬謹親王尼堪等丹心自勵正氣挺生  
本果敢於性成見危授命矢忠誠於敵愾視死如  
歸生開創之年披堅執銳實賴千城之佐際承平  
之日安邊除暴亦資禦侮之才或陷陣以爭先或  
守土而盡職或被誘不辱乃授首以從容或深入  
無援遂致身於倉卒雖天戈所指如振槁而摧枯  
乃大義爲昭可凌霄而貫日朕軫懷壯烈誕賁殊

皇朝文典

卷六四

五

榮命立專祠俾膺特典王公將帥躋玉宇之輝煌  
士卒偏裨列兩廡而陪侍錄其事跡播久遠之芳  
徽薦以馨香綿春秋之血食於戲標風霜之勁操  
編簡常新沛雨露之鴻恩丹青永煥苾芬在列靈  
爽來歎

本果預焚若烈風烈火與命天功與地德與子承  
際爾味而燔蠶王公將帥心自懷王公將帥  
浪傳或不若忠之典論英標之如在宜渥澤之特  
出庶豆蓋舍生取義臣子抒報國之忱而褒德酌  
庸朝廷示作忠之典緬英標之如在宜渥澤之特  
頒爾和碩敬謹親王尼堪等丹心自勵正氣挺生  
本果敢於性成見危授命矢忠誠於敵愾視死如  
歸生開創之年披堅執銳實賴千城之佐際承平  
之日安邊除暴亦資禦侮之才或陷陣以爭先或  
守土而盡職或被誘不辱乃授首以從容或深入  
無援遂致身於倉卒雖天戈所指如振槁而摧枯  
乃大義爲昭可凌霄而貫日朕軫懷壯烈誕賁殊



晉封郡王福康安入祀獎忠祠祭文

嘉慶元年

王爵忠勇公福康安入祀獎忠祠祭文  
朕惟功懋懋賞眷篤棊于忠謨思贊贊襄獎勤勞  
於祀典心膂股肱之佐社稷銘勳鹽梅舟楫之材  
馨香食報飾終示厚已昭殊錫之榮豐祀酌庸宜  
有加崇之禮爾福康安忠誠秉性敏練知機名早  
冠于勲賢幼卽承夫誨育惟乃父同心一德世篤  
忠貞暨爾身宣力四方戎昭果毅制節歷封疆之  
任由秦蜀而蒞閩粵滇黔軍麾揚斧鉞之威洵桓  
信而褒忠銳嘉勇少董金川之役奪若登碣嗣提  
石堡之師殲魁獲醜蚶江偃靖鯨波允息于臺灣

皇朝文獻

卷六四

五

楮卡綏來笮道遙通于藏衛屢圖形於紫閣籌運  
軍諮更簡直于黃扉綸囊機務屬有苗之弗率當  
我武之維揚特甚勦除不辭勞瘁蠢茲折首蕞爾  
傾心甫迅拔于山梁遂邁攻于箐穴是念三驅之  
効率我同仇爰超五等之封光于異姓疊予以恩  
殊數異因獎蓋臣方期于年富力強彌彰偉績豈  
意勞因致疾國爾忘身運籌于病亟之時賫志於  
功成之日朕心震悼厥績宣昭憫此公忠錫之褒  
獎美克家之令子能體父心爰開國之勲臣延崇  
王爵廟貌垂型于海嶠草木威名忠魂增享于家  
祠苾芬歆薦嗚呼其猷克壯尙懷維嶽之生子嗣

惟良未盡作霖之用崇秩春秋之祀懋旌夙夜之  
忱定國以勞酬功勿替

晉封郡王福康安入祀昭忠祠祭文

嘉慶元年

臣 施杓恭撰

朕惟簡輔弼而統師于允備棟樑之任薦馨香而  
頒豐祀爰陳俎豆之儀稽舊典於祠官垂功不朽  
紀成勞於秩祀勤事宜先享以春秋妥此芬苾爾  
福康安受材英特許國精誠生爲勲胄之賢長列  
禁垣之衛躬卿職蚤參侍從之班出典戎行益著  
韜鈴之器勁旅掃九嬰之沴績茂金川銳師摧貳  
負之鋒討申石堡築鯨鯢於炎海乘風而定臺員

皇朝文典卷六四

五

獻象馬於水天計日而安藏衛三寫紫光之像颯  
爽如生兩闕赤嵌之祠威名常在望崇褒鄂兼文  
武爲憲之才業紹鞏平濟父子相承之美昨以苗  
頑之逆命俾從黔楚以邁征碩畫頻聞膚功克奏  
算揀全勝早奪砮於欽崎績屆垂成佇滌氛於旦  
暮冠翎特黃寵異三英爵胙優加榮超五等方佇  
捷書屢報迅成掃籜之功何期凱唱將騰俄應隕  
星之讖旣因勞而遭疾爲國忘劬爰盡瘁以籌師  
乃心益勵遺章忽告震悼難名庸晉錫以王封聿  
增輝夫祠宇嗚呼酬功禮重追崇視開國之勲秩  
祀恩隆休享攷明禋之典眷一德一心之佐忠悃



維昭酬百戰百克之庸壯猷未泯庶其猷受以副  
軫懷

皇朝文典

卷六十四

十六



維昭酬百戰百克之庸壯猷未泯庶其猷受以副

三等公額勒登保褒忠祠祭文

嘉慶十一年

臣 吳其彥恭撰

羊碑勒實特旌茂世之勲麟閣書庸更逢專祠之制爾額勒登保夙爛豹略久奮鷹揚入隨宿衛之班出總戎麾之寄廓壯猷於三省屢閱星霜効偉績於

兩朝備經艱險恩承

先帝曾邀不次之榮爵紹前封仍沛殊常之澤頃以留都展謁請假未從念抱憾於史談闕陪盛禮值追功於張賀軫叙成勞屢念覆茵馳懷解佩聿頒珍於內府並降冊以上公俄愴西風倏聞溘露爰懋褒

皇朝文典

卷六十四

十七

忠之典將修秩祀之儀鑲金石以鐫名親標巨碣潔豆登而送奠簡肅太官於戲發屬國之軍兼營兆域定武襄之謚用錫尊名九命疊膺錄徽稱於國牒重侯肇寵衍餘慶於身枝式慰幽靈克歆清滌

三等公額勒登保褒忠祠春秋祭文

嘉慶十一年

臣 李鴻賓恭撰

旂常紀績褒蓋世之勲臣俎酌庸秩上公之祀

典時通舛蠱式格精靈爾額勒登保賦質剋桓扞

忱篤棗起家甲士早奮跡於行効職辰垣洊遷

班於宿衛屢佐龍驤之略力長城旋趨鶴禁之



階躬依近闔繁旗宿屬許隨港出邸以宣勒偉烈平  
苗詔錫通侯而拜賜迨乎驅山秉節虎帳橫戈聲  
吞蛟螭之芒風雲作氣勢壓龜貅之隊草木知名  
屬搗穴以驅氛凱競騰於三省屆上

陵之歲禮圭封晉於重頒方列五爵之先邁報大星之隕  
賞延及世典備易名殊恩增沒後之榮允垂竹帛  
專祠美生前之報用潔蘋蘩茲以仲春秋載申告  
祭於戲百戰之雄風未沫忍聽鼓鼙以興思九重  
之寵命維新長奉瑤筵而勿替茂儀時舉英爽來  
歆

皇朝文典

卷六十四

十九

煇

之對而勝... 祭... 博... 賞... 劉... 獨... 各... 苗... 州...

苗... 州... 苗... 州...

明瑞建祠祭文

侍讀

吳省欽恭撰

皇帝諭祭于雲貴總督將軍兵部尚書一等誠嘉毅勇  
公明瑞之靈曰戎行致果英風永播於炎陬鉅典  
褒忠靈祀聿標乎綽楔惟折衝以並奮斯妥侑之  
宜崇用建朱薨式彰丹悃爾雲貴總督將軍兵部  
尚書一等誠嘉毅勇公諡果烈明瑞簪纓貴胄韜  
略雄材葱嶺雪山早歲樹從戎之績金苻玉節頻  
年抒綏遠之謨西陲久著夫威名南土仍資其策  
馭權兼九伐並加司馬之官階地控三宣爰建將  
軍之幕府焯江築壘擁楯先登石壁橫梁揚旌竟  
渡堅摧象陣盡收蠻結之糧影息蜂屯遠致波龍

皇朝文典

卷五十四

九

之使佇看羆虎早殄鯨鯢猥因別隊之紆程遂至  
大兵之乏援轉戰經四五旬之久懸軍歷數千里  
而遙連營之士氣猶強身親斷後極微之將星忽  
落計絕遄歸惟時師武之臣共勵疆場之節爾都  
統札拉豐阿護軍統領觀音保總兵李全王玉廷  
等心甘鋒鏑競効命以爭先感動旌麾遂捐生而  
不惜分銳師于兩路未竟成謀嫺毅烈于雙忠宜  
隆秩祀嗚呼崔嵬棟桷九章之賜服空懸肅穆几  
筵奕世之垂名勿替雲臺烟閣畫圖傳珮爽之姿  
電馬飈車笳鼓振精靈之氣歆茲俎豆賁爾鼎鐘



忠勇公傅恒三代宗祠祭文

乾隆十四年

侍讀學士

臣

程景伊恭撰

純臣效篤弼之勤垂裕實由於祖德盛世展酬庸  
之禮推恩必及其先人惟往制之可循彝章具在  
矧成勞之未遠名德猶新爰稽風勵之文式被馨  
香之薦絲綸烏奕俎豆光昭惟爾一門夙稱令緒  
代傳篤棊旂常流史冊之輝世秉忠誠柱石繫巖  
廊之重懿訓遞承家法範著閨闈徽音懋啟

坤儀望高戚里發祥有自己知世澤之長燕翼堪徵復  
佑膚功之建邇者邊疆綏靖實惟後嗣之賢鍾鼎  
銘勳彌顯前型之善雖褒封叠晉寵光已賁於從  
前而專祀未修懿典宜加於此日廼新祠宗采煥  
棖題肇設几筵享陳牲醴隆恩勿替華闈增輝於  
戲雨自葉以流根三世食詒謀之報水從源而衍  
派千秋垂積厚之光鑒此苾芬尙其歆格

皇朝文典

卷六十四

二十

忠貞公傅恒三代宗祠祭文



追封一等公謚恪僖哈什屯等宗祠祭文

維乾隆二十九年歲次乙卯朔越十日

皇帝遣

諭祭于原任太子太保內大臣議政大臣內務府總

管一等男加一雲騎尉追封一等公謚恪僖哈什

屯公妻一品夫人覺羅氏原任戶部尚書內務府

總管一等男加一雲騎尉追封一等公謚敏果米

思翰公妻一品夫人穆起覺羅氏繼妻博爾濟吉

特氏原任一等男加一雲騎尉兼查哈爾總管追

封一等公謚莊烈李榮寶公妻一品夫人覺羅氏

皇朝文典

卷六十四

三

原任太保大學士一等忠勇公謚文忠傅恒之祠

曰情殷念舊千秋之俎豆攸光義重酬庸累世之

簪纓咸列考藝章而秩祀因時序以申恩惟爾一

門夙稱望族祥延華緒美早濟乎親賢誼篤蓋臣

猷更宣夫忠勇曩以師還蜀塞特俾鼎建宗祠溯

家聲而源本無忘崇國憲而馨香是報迨軫遺徽

于麟閣彌懷盡瘁于蠻貊式慰光靈妥繡裳而教

孝垂休奕葉釐瓚卣以褒勲凡此寵渥之頒加悉

由功名之自奮毓坤元而儷極榮封已錫明綸隨

節候而肆筵歲薦丕昭令典茲當春秋仲聿致常

儀尙克欽承庶其歆受



內大臣一等公邊必隆等宗祠祭文

編修 臣 平恕恭撰

皇帝遣

諭祭於原任少保內大臣一等公謚恪僖邊必隆原  
任領侍衛內大臣一等果毅公謚愨敬尹德原任  
太子太保戶部尚書一等果毅繼勇公謚襄壯阿  
里衮之祠曰秩崇功於命祀夙備彝章昭美報於  
宗祊優逾常格緬翼子貽孫之克裕宜同堂共享  
之兼隆惟爾盡臣國之懿戚紀勲勞于青簡翊運  
名垂推恩澤於

璇闈專祠禮協嗣以忠能繩武酬庸展蠲潔之筵更因

皇朝文典

卷六十四

二十一

績懋殫忱致孝沛顯揚之綽用表箕裘于奕葉並  
依昭穆以垂馨厚澤長留再世之勤施允紹明禋  
上逮一門之寵眷斯膺茲以仲春聿頒嘉薦靈其  
不泯尙克歆承



皇朝文典卷六十五

諭祭李衛母汪氏

嵇曾筠母楊氏

朱軾母冷氏

策楞 阿里衮 母高氏

蔣廷錫母曹氏

節婦宏裕妻赫舍里氏

節婦揆敘妻耿氏

衍聖公孔昭煥繼祖母黃氏母何氏

皇朝文典

目錄

徐世公 母何氏

徐世公 母何氏

徐世公 母何氏

徐世公 母何氏

徐世公 母何氏

徐世公 母何氏

徐世公 母何氏

徐世公 母何氏

徐世公 母何氏



李衛母汪氏祭文

臣鄒升恆恭撰

良臣効績輸忠每受成於慈訓賢母詒謀式穀必  
食報於後昆宜賁殊綸用彰優卹爾浙江總督李  
衛之母汪氏賦性柔嘉持家勤儉訓子聿成大器  
建節鉞以宣猷享年已過八旬蔚松筠而比壽前  
者特恩式沛給與一品崇封何期爾子入覲以過  
歸遽值高堂辭養而長逝念茲風木良用憫傷爰  
布几筵專申奠醑嗚呼生膺象服旣蒞祿之常綬  
歿荷龍章更哀榮之咸備靈其不昧尙克歆承

稽曾筠母楊氏祭文

侍講臣汪由敦恭撰

國史流芳高節夙欽夫賢母絲綸煥采隆恩尤渥  
於良臣用宏錫類之仁特厚飾終之典爾大學士  
稽曾筠之母楊氏心堅金石操凜冰霜夫報國以  
捐軀忠義實高於千古爾撫孤而勵志孝慈兼備  
於一身睠予承弼之良克遂顯揚之願屢邀曠典  
疊荷殊恩壽躋八旬封加一品方謂享榮華於百  
歲正足慰苦節於平生何意訃章遽聞溘逝柩金  
遊賜奠醞載頒嗚呼厚福遐齡天道之報施不爽  
崇封優卹國恩之旌獎尤深靈如有知尙其歆享

皇朝文典

卷五

二

崇性勤敏抱負卓犖英爽吐納尚其芳臭  
嚮顯真輝耀辭賦神氣餘燁燁天崖之聯翮不尤  
嶽玉呈慈直醇外平生河海情章敷聞益並登金  
疊荷殊恩壽躋八旬封加一品方謂享榮華於百  
歲正足慰苦節於平生何意訃章遽聞溘逝柩金  
遊賜奠醞載頒嗚呼厚福遐齡天道之報施不爽  
崇封優卹國恩之旌獎尤深靈如有知尙其歆享  
釀曾筠之母楊氏心堅金石操凜冰霜夫報國以  
捐軀忠義實高於千古爾撫孤而勵志孝慈兼備  
於一身睠予承弼之良克遂顯揚之願屢邀曠典  
疊荷殊恩壽躋八旬封加一品方謂享榮華於百  
歲正足慰苦節於平生何意訃章遽聞溘逝柩金  
遊賜奠醞載頒嗚呼厚福遐齡天道之報施不爽  
崇封優卹國恩之旌獎尤深靈如有知尙其歆享



朱軾母冷氏祭文

庶吉士 汪由敦恭撰

孝宏錫類恩光特賁於良臣典重節終殊禮尤隆  
於賢母用頒祭醴以示眷懷爾大學士朱軾之母  
冷氏內則夙嫻壺儀素著篤生令子爲國輔臣荷  
渥澤之榮頒頻邀資予膺崇封之晉錫足慰劬勞  
朕每因奏對之時垂問起居之節冀永綏夫眉壽  
萱庭之福佑彌長俾專効乎丹忱綸閣之贊襄益  
懋勤勞王事方著績於鹽梅瞻望鄉閭遽銜哀於  
風木訃音入告軫惻良深賜公帑以治喪遣大僚  
而臨奠許乘驛騎歸奉几筵淑範遐齡信哀榮之  
兼備揚名宣力嘉忠孝之兩全嗚呼體人子之至  
情恩均存歿昭國家之異數光煥絲綸靈其不昧  
尙克歆承

皇朝文典

卷六十五

三

風木哀吟

卷六十五

公谷

懋德王... 登... 知... 猗... 今... 外... 學... 未... 愚...

策楞等母高氏祭文

人臣奉職宣猷端資母教國家推恩錫類寵賁彝章爰頒奠輟之儀用示優崇之典爾果毅公四川總督策楞兩廣總督阿里袞等之母高氏柔嘉成性淑慎持躬佐蘋蘩而中饋稱能施馨悅而婦功惟謹義方有訓克成節鉞之勳象服榮膺宜享期頤之福淪徂遠告軫卹攸加嗚呼彤管揚芬永表珩璜之譽丹綸煥采彌增泉壤之輝靈如有知尙其歆格



蔣廷錫母曹氏祭文

庶吉士

臣

汪由敦恭撰

榮賁所生義實隆於教孝恩加異數典尤重於節  
終聿示溫綸用彰優卹爾戶部尙書蔣廷錫之母  
曹氏宜家表範訓子有成荷

先皇錫類之宏仁

龍章輝映備賢媛希逢之盛遇鶴髮優游榮華足慰夫  
劬勞淑德彌彰其恭儉朕每因奏對垂問輿居迨  
於介壽之辰特有御書之賜歲時賚予稠疊便蕃  
冀爾身福履之永綏俾爾子贊襄之克効遽聞溘  
逝良用軫懷爰遣大僚式頒奠醑晉崇封於一品  
賜內帑以千金更沛恩施載加諭祭嗚呼生膺祿  
養既福壽之兼全歿被寵光信哀榮之備至靈其  
不昧尙克歆承

皇朝文典

卷六十五

五

宏裕妻祭文

康熙五十八年

臣

湯右曾恭撰

禮貞從一貴守志之弗渝義矢靡他特加恩而賜  
卹絲綸載賁半醴維馨爾弘裕妻赫舍里氏夙秉  
溫恭動成矩度名門毓秀方將永託蘋蘩天室言  
歸詎意中分伉儷既難期夫偕老遂不忍於獨生  
朕仰其哀情曲加慰諭乃冰霜之操益厲金石之  
性彌堅晝夜長號衾裯弗御春華遽謝廿九地以  
相從秋葉同零誓重泉之不返睠茲節義深可憫  
傷俾視公妻須以奠醑嗚呼心如皎日宜風示於  
人倫光照幽墟用褒揚於國典靈其不昧尚克  
承

皇朝文典

卷六十五

六

人倫孝慈... 皇朝文典... 卷六十五... 六... 禮貞從一貴守志之弗渝義矢靡他特加恩而賜  
卹絲綸載賁半醴維馨爾弘裕妻赫舍里氏夙秉  
溫恭動成矩度名門毓秀方將永託蘋蘩天室言  
歸詎意中分伉儷既難期夫偕老遂不忍於獨生  
朕仰其哀情曲加慰諭乃冰霜之操益厲金石之  
性彌堅晝夜長號衾裯弗御春華遽謝廿九地以  
相從秋葉同零誓重泉之不返睠茲節義深可憫  
傷俾視公妻須以奠醑嗚呼心如皎日宜風示於  
人倫光照幽墟用褒揚於國典靈其不昧尚克  
承



揆叙妻祭文

國家曠典聿崇淑儀臣子宣勞率資內助矧夫近  
叨戚畹夙荷恩慈膺禴翟於生前賁絲綸於身後  
章茲賢淑沛以殊榮爾原任左都御史揆叙妻耿  
氏中閨毓秀內則克嫻維公主之所生朕撫育如  
已女安和著範師禮法於公宮敬慎無愆爲蘋蘩  
之命婦迨爾夫之奄逝鞠幼子以持門益自矢以  
儉勤每嘗嘉其恪謹何圖遭疾爰遣良醫俎謝遽  
聞悼傷滋甚乃令專官經紀其喪復命大臣往行  
奠酌嗚呼遡淵源於天室時薦苾芬示優渥之國  
恩俾光泉壤爾靈不昧尙克歆承

衍聖公孔昭煥繼高祖母黃氏祭文

侍講學士臣錢大昕恭撰

彤管垂芬表母儀于四世紫泥錫命肅內治于重  
闈眷維觀禮之宗宜厚飾終之典特宣溫綽用獎  
慈型爾襲封衍聖公孔昭煥之繼高祖母黃氏毓  
自名門嬪于聖胄珩璜昭度禮法允叶乎女宗蘋  
藻流芳溫惠無慚乎壺教懿訓貽于孫子克紹明  
德之傳衍慶逮乎曾元世守上公之爵御書特賜  
褒累代之淑貞封誥頻膺享八旬之厚福茲聞溘  
逝殊切軫傷爰施逾格之恩曲慰顯親之志奠筵  
載設卹典有加嗚呼延貞幹于松筠天道之報施

皇朝文典

卷六五

八

不爽被殊榮于泉壤聖門之典禮宜優靈其有知  
歆茲加薦

奠累代之淑貞封誥頻膺享八旬之厚福茲聞溘  
逝殊切軫傷爰施逾格之恩曲慰顯親之志奠筵  
載設卹典有加嗚呼延貞幹于松筠天道之報施  
不爽被殊榮于泉壤聖門之典禮宜優靈其有知  
歆茲加薦

衍聖公孔昭煥繼高祖母黃氏祭文



衍聖公孔昭煥母何氏祭文

中允位曹仁虎恭撰

彤毫紀熾門風稱觀禮之宗翠俎沾輝壺行荷飾  
終之典眷淑型之是具宜嘉奠之從優爾衍聖公  
孔昭煥之母何氏鍾秀名楣締姻聖胄珩瑪協度  
嵐嫺內則之箴蘋藻昭虔式著高閔之槩事重闈  
而勿懈克稱婦順于中閨毓令器以有成丕紹家  
聲于世爵樹上公之母範翟弗攸宜膺天府之褒  
封絲綸迭賁方謂榮祺之能享何期溘逝之遽聞  
欲思聖澤以推恩特命所司而展祀嗚呼儀傳象  
服猶留女史之徽禮備雕筵用示朝章之卹維靈

皇朝文典卷六十五

九

不洙尙克歆承

知恩樂樂以將恩特命所司而展祀嗚呼儀傳象  
綉絲綸迭賁方謂榮祺之能享何期溘逝之遽聞  
籍于甘霽樹上公之母範翟弗攸宜膺天府之褒  
封於嶺京輝誠則于中閨毓令器以有成丕紹家  
聲內則之箴蘋藻昭虔式著高閔之槩事重闈  
而勿懈克稱婦順于中閨毓令器以有成丕紹家  
聲之典眷淑型之是具宜嘉奠之從優爾衍聖公  
孔昭煥母何氏鍾秀名楣締姻聖胄珩瑪協度  
嵐嫺內則之箴蘋藻昭虔式著高閔之槩事重闈  
而勿懈克稱婦順于中閨毓令器以有成丕紹家  
聲于世爵樹上公之母範翟弗攸宜膺天府之褒  
封絲綸迭賁方謂榮祺之能享何期溘逝之遽聞  
欲思聖澤以推恩特命所司而展祀嗚呼儀傳象  
服猶留女史之徽禮備雕筵用示朝章之卹維靈

衍聖公孔昭煥母何氏祭文

中允曹仁虎恭撰



皇朝文典卷六十六

諭祭中山王尙敬 中山王尙温

琉球故世子追封中山王尙成

朝鮮國王李祘

朝鮮國王李玢曾祖母莊順王妃

朝鮮國王妃

蒙古王

蒙古王

苦苦腦兒貝子丹准

喀爾喀土謝圖汗

達賴汗

皇朝文典 目錄

諭祭乳父哈 缺

順聖夫人 六首

佐聖夫人 三首

恭勤夫人 三首

乳母劉氏 四首

朝鮮國王李祘

朝鮮國王李玢曾祖母莊順王妃

朝鮮國王妃

蒙古王

蒙古王



琉球國中山王祭文


修撰臣吳鴻恭撰

恩昭柔遠眷藩服於東瀛典著節終降綸褒于北  
闕奕世之效忠旣篤中朝之賜卹彌隆爾琉球中  
山王尚敬繼緒球陽作屏華嶼納蕞琛于萬里曰  
求厥章奉圭瑞者卅年子嘉乃德方期保艾膺帶  
礪以延休何意奄徂感春秋之屢易茲以覃恩於  
嗣服益深追軫於重泉式薦苾芬用昭優渥嗚呼  
衍嘉聲於世土業永河山賁顯寵於天朝光增窳  
岁歆兹奠醑庶克欽承

皇朝文典

卷六十六

祭文



祭文  
中山王尚敬繼緒球陽作屏華嶼納蕞琛于萬里曰  
求厥章奉圭瑞者卅年子嘉乃德方期保艾膺帶  
礪以延休何意奄徂感春秋之屢易茲以覃恩於  
嗣服益深追軫於重泉式薦苾芬用昭優渥嗚呼  
衍嘉聲於世土業永河山賁顯寵於天朝光增窳  
岁歆兹奠醑庶克欽承

琉球國中山王尚溫祭文

嘉慶十三年

臣 吳雲恭撰

瓊冊膺符茅壤錫景風之胙圭卣賜鬯椒馨推滑  
露之恩絢履海以疏封象胥典屬睠拱垣之抒悃  
燕譽承庥守祧勿替平雲初制帛用頒夫芬苾爾  
琉球國中山王尚溫備藩溟滢稟朔天朝揆律序  
以占風爰闔稱蕝效朝宗之順軌臚句來庭咨槎  
使於庚郵會馳龍節覽匪章之申達奄戢駒陰睇  
影搏桑指滄波而偕近封題英錫齋丹詔以遐宣  
維嗣服之顯榮宜飾終之稠渥聿崇妥侑懋舉爨  
章於戲華嶼分邦疆索鞏寰瀛之福瑞泉衍派淵

皇朝文典 卷六

二

淳延奕禩之祥艇楫云遙會瑩如接式昭嘉薦異

克欽承

皇朝文典 卷六 琉球國中山王尚溫祭文 嘉慶十三年 臣 吳雲恭撰 瓊冊膺符茅壤錫景風之胙圭卣賜鬯椒馨推滑 露之恩絢履海以疏封象胥典屬睠拱垣之抒悃 燕譽承庥守祧勿替平雲初制帛用頒夫芬苾爾 琉球國中山王尚溫備藩溟滢稟朔天朝揆律序 以占風爰闔稱蕝效朝宗之順軌臚句來庭咨槎 使於庚郵會馳龍節覽匪章之申達奄戢駒陰睇 影搏桑指滄波而偕近封題英錫齋丹詔以遐宣 維嗣服之顯榮宜飾終之稠渥聿崇妥侑懋舉爨 章於戲華嶼分邦疆索鞏寰瀛之福瑞泉衍派淵

琉球國中山王尚溫祭文

嘉慶十三年

臣 吳雲恭撰



琉球國故世子追封國王尙成祭文

編修臣 李仲昭恭撰

藩條衍緒銀題碧鏤之封瀛徼推恩玉策金符之  
命緬瑞泉之世澤秀蔚波羅湖安里之宗支哲推  
冢嗣永念繩承之義特加軫恤之文爾琉球國故  
世子尙成令德象賢流光裕後身荷宁祉之寄待  
命於朝序符當璧之名宜享而國紀象胥于鞮譯  
久切來庭垂燕譽於邦家是稱肯構龍章寵賁初  
承湛露之華鶴馭長徂莫返逝川之駛屬嗣孫之  
祇服將使節之榮頒聿新誕誥之儀益懋追封之  
典晉階王號允協國常於戲帶礪長延用慰依光

皇朝文典 卷六六

之願箕裘有自無忘育德之庥式顧几筵庶欽芬

苾

承

八

命

世

榮

命

藩

誕

李

朝鮮國王李祿祭文

嘉慶五年

晉綏示誼釐圭分輯瑞之班渙錫垂恩展俎美薦  
馨之報念保邦於敬始克謹恭懷爰加禮以飾終  
用昭盛典爾李祿海隅稟粹菁社承封効屏翰於  
天家一心慕義撫黔黎於國境八道懷仁每當候  
臣鄰接以股肱視無中外方謂繼繩有序長申特  
錫之儀何圖淪謝興嗟來告載馳之使在昔丹誠  
之未沫及茲震悼之良深迺示褒榮宜隆奠醊於  
戲桑苞勿替令聞足表乎東瀛葵向久傾靈爽如  
依乎北闕式昭秩祀尙克歆承

皇朝文典 卷六十六

神翰園平字論祭文 嘉慶五年



朝鮮國王李瑛曾祖母莊順王妃祭文

嘉慶十年

臣 白鏞恭撰

茅封恪守推恩聿逮夫慈闈蘋澗微留錫類式隆  
於藩國載賁飾終之典用旌慕義之忱爾朝鮮國  
王李瑛之曾祖母莊順王妃金氏質秉溫恭道微  
順正高門選姓彰婦德於翟衣中闡揚芳著母儀  
於鶴髮克贊純臣之節共球歲以無愆能貽後嗣  
之庥圭組世承而有慶方謂遐齡長享永茂金萱  
何圖哀赴遽聞倏摧霜栢爰申賻卹老備羹章遣  
厥專官頒茲奠罍於戲柔懷禮重昭直遠蒞于歲  
厥慰唁恩宣溫綍有光於泉壤靈其不昧尚克飲

皇朝文典 卷六六

五

承

歲上三  
音作育

朝鮮國王母妃祭文

鸞章錫慶徽音克懋于海邦象服流輝宸眷優於  
天室允協哀榮之典宜隆翊賻之儀爾朝鮮國王  
李聆之母妃金氏質秉溫恭動符淑慎蘋蘩佐化  
彰順德于東陲珩瑀凝庥荷褻封于北闕贊寶琛  
貢書之職敬勗名藩絲來王來享之規燕貽嗣服  
方冀金萱永茂常揚外史之芳何圖霜栢遽凋寶  
軫中朝之悼輿章載攷賜卹攸加用遣專官式頒  
諭祭嗚呼輅車啣命弔風木于遐阪莫醞宣恩賁  
馨于屬國靈其不昧尙克歆承

皇朝文典 卷六十一

六

優上之字疑  
當作特

馨于屬國  
當作宣

皇朝文典

卷六十一

六

六

六

六

六

六

六



朝鮮國王妃祭文

風行海甸聿彰淑德于閨闈職贊藩屏丕著徽音  
于禴翟生荷榮封之錫歿邀贈卹之加爾朝鮮國  
王李聆之妃徐氏毓秀華宗作嬪屬國禮嫺內則  
允宜室而宜家化秉周南維克勤而克儉盡誠以  
供蘋藻敷陰教於日出之鄉襄順以奉其球叶令  
範於雷奮之位方冀女箴是式永昭下國之芳型  
何圖訃告忽傳倍切中邦之軫念稽於成憲沛厥  
鴻施用遣專官特頒諭祭嗚呼命行人而宣綸綍  
典煥熙朝嘉賢媛而布几筵恩覃遠服靈其不昧

尙克欽承

皇朝文典

卷六六

七

南文

南文

南文

南文

南文

南文

南文

南文

南文

南文

蒙古王祭文 康熙三十七年

國家遠拓荒服衆建諸藩以衛天室分茲土者亦  
惟是恪修職貢茂著成勞生榮歿哀有加無替爾  
效力從龍乘時附鳳寵膺爵命作鎮邊疆雖泉壤  
長淪而忠誠未泯朕茲者巡歷邊陲經爾墓坐緬  
歲時之既遠篤勳舊於不忘特遣專官肆陳奠醑  
爾靈不昧尙克歆承

皇朝文典

卷六

八

爾靈不昧尙克歆承

惠御之鴻哀謙燠普被不忘神靈專旨舉刺莫墮  
異簡而忠端未外刑茲昔茲烈燄迴灑爾墓坐緬  
效式發肅乘御州鳳翥寶符命神遊靈顯泉壤  
神長奇迥輝貢共普如榮生榮歿哀時時朕替爾  
國寒鼓時蒸那來我前蕃以備天室分茲土昔亦

蒙古王祭文

康熙三十七年



苦苦惱兒貝子丹准祭文 雍正元年

國家酬勲之典中外均霑朝廷賞善之恩歿存無間苟忠勤之茂著宜追享之加隆爾苦苦惱兒貝子丹准介居藩服克效棐忱昔當狂寇誘致之時旣矢心而不貳後值西師餽糧之日復悉力以襄功奮自邊裔之中恪著純臣之節朕用特申追獎晉秩郡王更遣專官肆陳奠酌嗚呼論功三錫式增爵命之榮奉上一心卒受明禋之報靈其不昧尙克歆承

皇朝文典

卷六六

九

尙克歆承

曾爵命之榮奉上一心卒受明禋之報靈其不昧晉秩郡王更遣專官肆陳奠酌嗚呼論功三錫式增爵命之榮奉上一心卒受明禋之報靈其不昧

苦苦惱兒貝子丹准祭文 雍正元年

達喀爾喀土謝圖汗祭文 康熙三十八年

朕君臨萬邦罔有內外遠邇視若一家嘗拯其危而救其菑俾長守藩維不失舊物生存顯號歿賜寵章爾越在外服通貢有年噶爾丹不道日尋干戈乃去國來歸傾心內附朕不忍爾部衆之玷於死亡優加撫納處之水草之地贍以倉廩牛羊降結婚姻示垂永好爾歷年朝請恭謹有加狡寇旣平謂爾得保有富貴逸樂以圖長久溘焉徂逝深用憫傷嗚呼矢恫方殷忽促桑榆之景飾終無替永增泉壤之光牲醴徃頒靈其歆格

皇朝文典 卷六十六

永增泉壤之光牲醴徃頒靈其歆格

田園耕種之天田賦與之桑榆之景飾終無替

平備爾壽考言富貴逸樂以圖長久溘焉徂逝深

誠誠爾示垂永好爾歷年朝請恭謹有加狡寇旣

天字對抵蘇麻之水草之地贍以倉廩牛羊降

艾八士罔來歸傾心內附朕不忍爾部衆之玷於

竊章爾越在外服通貢有年噶爾丹不道日尋干

而殊其菑俾長守藩維不失舊物生存顯號歿賜

親昏湖萬准罔育內心不欺爾若一案嘗其注

密爾魯土謝圖汗祭文 十八年



達賴汗祭文

康熙四十年

國家恩加中外不後遠人其有慕義嚮風輸誠絕  
域必榮周有歿禮備始終爾達賴汗身僻處于遐  
方能輯寧于所部山川靡間具章疏以來庭歲月  
不渝奉晝琛而入貢朕方嘉歎用篤不忘奄忽云  
徂良深哀悼爰歸賻賵之禮攸隆幣帛之儀特遣  
專官往頒綸祭嗚呼東南朔朕撫視罔不若一  
家以爾內嚮有年永終令譽特加褒卹俾爾增寵  
于大荒知爾有靈尙其歆格

皇朝文典

卷六十六

十一

于大荒知爾有靈尙其歆格

奉以爾內嚮有年永終令譽特加褒卹俾爾增寵

專官往頒綸祭嗚呼東南朔朕撫視罔不若一

家以爾內嚮有年永終令譽特加褒卹俾爾增寵

于大荒知爾有靈尙其歆格

奉以爾內嚮有年永終令譽特加褒卹俾爾增寵

專官往頒綸祭嗚呼東南朔朕撫視罔不若一

家以爾內嚮有年永終令譽特加褒卹俾爾增寵

于大荒知爾有靈尙其歆格

乳父哈 祭文 順治十一年五月

惟爾居心謹厚奉職恪恭保衛朕躬歷有勞瘁今  
忽溘逝宜厚恩施牲醴特頒用彰寵錫嗚呼有勤  
必卹惟勞是酬靈如有知其欽承之

皇朝文典

卷六十六

七



文德前長隨靈吹百吹其德承之

惟爾居心謹厚奉職恪恭保衛朕躬歷有勞瘁今  
忽溘逝宜厚恩施牲醴特頒用彰寵錫嗚呼有勤  
必卹惟勞是酬靈如有知其欽承之

祭文 順治十一年五月



奉聖夫人初次祭文

康熙十九年

臣王鴻緒恭撰

朕惟自古聖辟誕生首重冲齡之鞠養宮闈保護  
爰資淑媪之辛勤惟成勞克懋於生前斯優卹宜  
隆於身後爾奉聖夫人朴氏乃

皇考乳媪秉性溫和範身克慎奉我

皇考爰自懷抱之初夙夜恭勤始終謹畏勞深績茂

皇考親所鑒知用是朕冲幼之年復畀以保育之任爾則

勤劬彌著祇敬益增由其篤摯之誠享此綿長之

筭方期永綏多福何意遽逝窮泉追念往功倍深

新悼特稽曩籍頒祭有加於戲象服式膺眷寵錫

之已極綸章用賁昭祀典之攸崇爾靈有知尚其

皇朝文典 卷六六

十三

敬享

三次祭文

臣王鴻緒恭撰

惟爾殫心鞠護歷有歲時煦嫗維殷閱暑寒而益

篤勤罔替合中外而咸稱奄逝幽冥深懷軫惻

難忘勞動再沛榮綸於戲懷保

聖之忱久而靡懈懋酬勞之典命乃重申賁之苾芬尚其

敬格

三次祭文

臣王鴻緒恭撰

惟國家恩澤之宏聿崇三錫念奉侍勤劬之久頓

隔重泉溯保護之夙敦覺軫傷其彌切欲酬曩績

豈靳殊榮益賁寵綏用孚幽壤於戲瞻懷提抱之

勞初終如一爰錫褒崇之典存歿彌光爾其來歆  
欽茲降命

四次祭文

臣王鴻緒恭撰

惟爾職司阿保成勞聿著於昔年事奉宮闈祇慎  
猶彰乎今日誠求克盡罔憚辛勤謹恪自將無分  
久暫瞻言長逝滋切殷懷於戲寵命四申昭恩榮  
之彌茂隆儀數賚嘉愛護之多勞爾克有知庶其  
來格

五次祭文

臣王鴻緒恭撰

惟爾性存肫摯德協溫和保育多方夙備維持之  
節敬恭益懋常敦翊護之忱奉

皇朝文典

卷六十六

十四

皇考於誕生勤劬克殫撫朕躬於在抱慈愛彌殷祇夙夜  
以無愆歷初終而罔間自徂真漠奄易歲華蹉惟  
鞠養之深情豈靳哀榮之異數爰敷恩於窀穸事  
旌奉事之勤俾接壤於

園陵庶示褒崇之盛式申顯命以答爾勞嗚呼特加馬鬣  
之封澤旣優於泉壤五申椒漿之薦禮更渥於羹  
章爾其歆格荷我寵休

奉聖夫人祭文

雍正

年

臣

劉高齡恭撰

宮庭調護晨昏必藉夫柔誠阿保維持左右實資  
夫恭順心厯始終而匪懈恩加存歿以兼榮爾奉  
聖夫人朴氏賦性溫和秉躬恪慎懇懃衛養初承



世祖於彤闈敬謹追隨復

先皇於繡褫稔知勞動時切思維特畀隆儀用嘉

往績嗚呼培封樹於

園陵之側酒酌芳椒衍世澤於辟離之中恩流奕葉靈其

不昧尚克歆承

皇朝文獻

卷五

十五

不昧尚克歆承

不昧尚克歆承

不昧尚克歆承

不昧尚克歆承

佐聖夫人祭文 康熙六十年

自古帝王誕生禎符協應而其簡畀阿保調護聖躬于以順陰陽之宜視寢膳之節厥任亦綦重焉惟生前祇承於宮壺寶著成勞斯歿後屢易夫星霜爰加殊典爾佐聖夫人葉黑勒氏稟性慈和存心謹密昔

皇考世祖章皇帝甫在幼冲之歲實資乳抱之功夙夜是勤寒暑彌慎身依殿廡置家事于罔聞動合禮儀考女德而無媿自經徂謝久更歲年寵命未頒追封有待昨朕躬謁

園陵爾孫籲請追惟曩昔彌切軫懷特沛殊施錫之嘉號  
皇朝文典 卷六十六 十六

將垂光於璇玉俾修祀於几筵嗚呼性醴具陳覺懿徽之未遠絲綸用賁庶幽壤之增華惟爾有知其克歆享



恭勤夫人初次祭文

編修 臣 習雋恭撰

朕惟職司阿保懋資調護之功寵被恩綸用報辛勤之誼緬舊勞之久著宜恤典之優加爾恭勤夫人謝氏敬慎自持溫和平夙秉屬朕幼冲之歲實資侍奉之誠服御膳羞克順燠寒之節起居出入咸符衛養之宜夙夜一心祇誠恐後歲時匪解保抱維虔成績堪追睠懷彌切已賜良人之爵肇錫嘉美之名用遣專官往陳奠醑嗚呼象服榮頒渙洪施於雨露龍章式賁流渥澤於松楸爾其有知歆茲初享

二次祭文

臣 習雋恭撰

皇朝文典

卷空

十七

惟爾質秉慈良性成恭順小心奉承善護視乎寢興效職辛勤謹維持於左右緬懷往績備舉彝章賁以絲綸永垂光於琬玉培其封樹俾增感於川原於戲情殷念舊追襁褓以難忘誼篤酬勞錫苒爇而申奠爾其來格尙克欽承

三次祭文

臣 習雋恭撰

惟爾祇事禁闈追隨昕夕敬恭無怠備嘗勞勩於當年保護有方彌憶辛勤於此日載稽彝典懋示褒加嗚呼笄珈有耀榮光賁於九重牢醴維馨寵命優於三錫爾其歆享荷此隆施

四次祭文

臣 習雋恭撰

惟爾心勤翼護性稟安和啓處不違惟恪遵乎禮  
法晨昏隨侍罔顧念於私家肆陳饋奠之儀用示  
恪勤之報於戲合儀雖謝成勞尚著宮闈榮粹疊  
頒恩禮式光泉壤爾其來格永荷寵綏

皇朝文典

卷六十六

六



恩賜禮式光泉壤爾其來格永荷寵綏

惟爾心勤翼護性稟安和啓處不違惟恪遵乎禮

法晨昏隨侍罔顧念於私家肆陳饋奠之儀用示

恪勤之報於戲合儀雖謝成勞尚著宮闈榮粹疊



乳母劉氏初次祭文

修撰臣畢沅恭撰

皇帝

諭祭于乳母劉氏之靈曰職司保傅資翼護于青宮  
念切辛勤愴音塵于黃壤追憶當年之懿績宜優  
身後之隆施爾劉氏淑慎性成溫嫺夙著祇承禁  
掖保衛朕躬動靜起居既勤劬之罔斁寒暄眠食  
咸調護之有方軫念舊勞時加存問忽聞溘逝悼  
惻彌深已清醮之遙頒復帑金之寵錫載稽彝典  
式奠雕筵嗚呼象服焜煌早被翟褕之命龍章稠  
疊益沾綸綍之恩靈而有知尚其歆格

三次祭文

皇朝文典

卷六

九

惟爾視躬懿淑秉性溫恭選自良家功勤阿保掖  
庭奉職虔翊護于冲齡命服承輝沾榮光于暮齒  
軫懷益切奠醑重頒嗚呼緬曩歲之辛勤譽流鶴  
禁備徽章之褒錫恩溢犧尊靈其歆承式此芬苾  
三次祭文

祇承

鶴禁勤侍形闔節時寒時燠之宜庶幾夙夜烝曰保  
曰傅之貴厥有劬勞用錫褒嘉載陳饋奠於戲禮  
周三獻追念溫恭淑慎之儀榮賁重幽式昭翼護  
維持之績靈其不昧尚克來歆

四次祭文


淑慎秉心勤劬懋績夙彰勞勩難忘保抱于當年  
用慰幽潛宜錫優隆于此日肆陳奠醊式薦苾芬  
嗚呼雕俎流馨終獻備酬恩之典

龍章賁彩殊榮增載冊之芳尚荷寵光爰茲啟格

皇朝文典

卷六十六

二十



皇朝文典卷六十六  
其類幽潛宜錫優隆于此日肆陳奠醊式薦苾芬  
嗚呼雕俎流馨終獻備酬恩之典



皇朝文典卷六十七

和碩簡親王碑文 密親王碑文

和碩怡賢親王碑文 和碩豫良親王碑文

和碩和恭親王碑文 和碩顯謹親王碑文

和碩怡恭親王碑文 和碩睿慎親王碑文

和碩顯密親王碑文

追封多羅克勤郡王岳託碑文

郡王銜多羅誠貝勒碑文

和碩莊親王嫡子恭世子碑文

奉恩鎮國公諾音托和碑文

和碩懷恪公主碑文 和碩柔嘉公主碑文

皇朝文典 目錄

固倫額駙和碩超勇襄親王碑文

固倫額駙科爾沁和碩毅親王碑文

外祖費揚古碑文 舅舅佟國綱碑文

一等公噶布喇碑文 一品夫人覺羅氏碑文

承恩公凌柱碑文

孝儀皇后曾祖父母碑文

孝淑皇后曾祖父母碑文

恭保碑文 恭阿拉碑文

安塔穆碑文 佟養真碑文

和碩簡親王雅布禪文

臣韓菱恭撰

朕惟大雅之詩曰文王孫子本支百世則凡在宗  
支其始有勲勞於國家亦望其子孫克繼克承率  
乃祖考之攸行以保世久遠厥惟休哉惟王屬在  
懿親著有令譽自乃祖功在社稷書於盟府乃考  
亦惟克食舊德以及於王稟謙冲之茂質凜夙友  
之小心殫力公家不營邸第之事束身禮度別無  
嗜好之私加以教誡拊循風行所部興起人才於  
有用之地整練武備於無事之時惟旌旂壁壘之  
常新覺星文羽林之增煥方謂作我屏輔永賴親  
賢豈期疾疢忽侵溘先朝露無不挽喪車而深痛  
望故邸以書哀朕震悼輟朝飾終備禮推帷撫視  
更愴於懷嗚呼受封將二十年持身無毫髮過輸  
忠於我王室追孝於前文人宗支若斯可以百世  
幽局旣閉懿德宜昭用宣寵章勒諸貞石俾永有  
憲於後祀

皇朝文典

卷十七

一

和碩簡親王雅布禪文  
支其始有勲勞於國家亦望其子孫克繼克承率  
乃祖考之攸行以保世久遠厥惟休哉惟王屬在  
懿親著有令譽自乃祖功在社稷書於盟府乃考  
亦惟克食舊德以及於王稟謙冲之茂質凜夙友  
之小心殫力公家不營邸第之事束身禮度別無  
嗜好之私加以教誡拊循風行所部興起人才於  
有用之地整練武備於無事之時惟旌旂壁壘之  
常新覺星文羽林之增煥方謂作我屏輔永賴親  
賢豈期疾疢忽侵溘先朝露無不挽喪車而深痛  
望故邸以書哀朕震悼輟朝飾終備禮推帷撫視  
更愴於懷嗚呼受封將二十年持身無毫髮過輸  
忠於我王室追孝於前文人宗支若斯可以百世  
幽局旣閉懿德宜昭用宣寵章勒諸貞石俾永有  
憲於後祀



密親王碑文

檢討 臣 陳萬策恭撰

朕君臨寰海攸叙彝倫式宏敦本之風必厚展親之典况誼殷同氣禮重飾終宜備哀榮以彰友愛  
惟王乃

皇考聖祖仁皇帝之子朕之兄也爰從早歲仰荷

慈恩逮及壯年漸違

嚴訓惟性情之昏蔽積行事之乖張我

皇考睠念丕基愼圖大計廢黜而直施明斷防禁而曲子

保全蓋慮遠而思深實義盡而仁至朕紹登寶位

遵奉

遺言俛養餘齡時加存問冀永延於壽命詎忽抱夫沈疴

皇朝文典 卷六十七

二

卽遣大臣往行看視慎選醫藥善與診療述奏謝

之言詞見素誠之懇篤旋驚殂逝良切軫悽錫茅

土之崇封聿開朱邸臨總帷而親奠特布雕筵喪

星等舉紀所須並從官給定諡曰密載渙徽章於戲卜兆

鴻鼎高原望松楸而增感鑄辭貝石偕川岫以長存樹

恩恩之通阡昭垂來裔

皇朝文典 卷六十七

密親王碑文

皇朝文典 卷六十七

皇朝文典 卷六十七

密親王碑文

林有

皇朝文典 卷六十七

和碩怡賢親王碑文

臣陳萬策恭撰

朕惟國家啟昌隆之運則誕降名臣宗支鍾福慶之貽則篤生賢胄粵若師師虞代稷契爲帝室之英濟濟周朝旦奭是姬宗之彥莫不紀諸謨典頌以聲詩前績可稽遺編具在如朕弟怡賢親王則千古有光者也王秉乾坤之清淑萃川嶽之精華爰自幼年早徵至行禁庭奉

誨循禮度以持躬內殿承  
歡篤孝思於繞膝實超出於同氣久默識於中懷是以續紹之初慎選親賢之寄特加恩命晉授王封正在亮陰俾膺總理當良奸之雜處以鎮靜服羣情遇

皇朝文典

卷六七

三

綱紀之待釐以精明襄萬務成勞旣著眷倚逾殷綜中外之討謨司兵農之大計而王恪勤匪懈兢勵彌深體朕心爲己心視國事如家事詳核度支之積寶府藏充盈請蠲吳越之浮糧閭閻康阜興田功於畿內秔稻連疇籌水利於江南河渠順軌至若邊形指掌瞭夫勢於江南武略在胸贊成謀於幃幄壯戎容於雁積組練鮮明裕軍實於龍沙驍駟騰躍蒼黔恬樂罔聞徵發之煩朝省安閒莫見運籌之迹是其潛思默算備竭精誠故能應變投機不形聲色者矣扶持正直公道予以昭彰薦達猷爲人材由茲奮起度惟謙抑同事務協於和



衷量本寬洪曹官胥歸於涵茹領周盧之環衛訓  
練維勤定官府之規模施爲悉當凡關於民生吏  
治知無不言曾經其熟深計圖行皆有效祇愼而  
不宜於衆退讓而恐居其名皆中禁之密陳豈外  
廷之曉悉心跡則青天白日衾影無慚節操則瑩  
玉清冰垢塵不染研幾窮理得聖經賢傳之精微  
輔世寧民具帝佐玉臣之蘊負道光竹帛恢平章  
調燮之勲瑞叶星雲樹喜起明良之範朕實賴王  
治安寰宇王實爲朕羽翼昇平旣歷八年有如一  
日斯乃

上天降佑  
皇朝文典

列祖垂庥賚良弼於本支作盛時之梁棟於

皇考爲孝子於朕躬爲純臣自昔罕倫在今幸觀惠慈之  
性宜其克享遐年豈弟之恩足以迓承繁祉人情  
胥願天數難齊詎盡瘁以忘軀遂抱疴之纏體禱  
神祇而靡應商醫藥而弗瘳王忠愛之忱始終一致  
沈緜之候遷避而弗敢上聞危篤之期溢逝而慮  
傷永訣朕將臨視王已飄升望幻影於雲中靈竒  
示象蛻色身於塵界慧覺超凡生有由來理當可  
信玉幽明感德遠近歸仁錫命每申則日晴紫陌  
祖筵方徹則風霽青阡虔叩總唯動舉朝之痛憶  
競隨素紼溢長路之悲號嘗賜標題略傳梗概忠

敬而兼之誠直勤慎而益以廉明禮重易名約一  
言而該美善義隆加謚冠八字以示寵褒朕親奠  
郊垵頒紆車駕時陳牲醴每遣臣僚敦儉素之風  
瑩兆本由於自擇議推崇之典經費優給於官供  
吉宅旣安豐碑宜勒於戲念股肱之誼重雕刻金  
鑄倦手足之情深鋪揚玉牒功高德茂享亘古之  
鴻聲生榮死哀備生人之全福將使斯文炳煥偕  
星曜以流輝貞石嵯峨與峯巒而永峙云爾



和碩豫良親王碑文

侍讀學士 臣 曹仁虎恭撰

朕惟延麻錫爵金枝彰復始之封篤叙推恩翠褐  
重易名之典緬舊勛之末沫澤衍屏藩卷令聞之  
丕昭榮施兆域惟王瑤源引派瑞牒分輝稽翊運  
之成勞旂常久紀舉酬庸之懋賞帶礪宜垂朕特  
念前徽重加顯秩宗盟是掌期表率於仙潢旗務  
兼咨待統司乎禁旅方冀長膺荝祿何圖遽謝芳  
華奠醑以時旣備雕筵之薦表坐有制還傳貞石  
之銘象厥生平以良爲謚於戲溯宣勤於策府分  
壘增桂邸之光具寵卹於羹章勒石煥松阿之色  
休稱不泯式眎來茲

和碩和恭親王碑文

編修 臣 曹仁虎恭撰

朕惟爵冠分璜親莫先於同氣銘彰勒玉典尤重於飾終伊手足之相關素敦摯誼誼音壘之遠隔莫罄哀榮永懷令聞於親藩宜備隆儀於兆域情傷撤瑟禮具題碑維王秉性純誠持躬謹恪麟振誌美仰承

皇考之恩慈雁序增輝早篤朕躬之友愛向青宮而共學常相勗以詩書由紫禁以疏封遂膺乎屏翰朕寅承丕緒篤念天倫維恩眷之加隆見靖共之倍著於是典知旗務兼領府司趨朝高宰輔之班克勤克慎上殿視家人之禮不溢不驕爰資亮采之皇朝文典 卷七

七

猷式表親賢之望偕承歡於

萱陞舞綵恒隨與曲宴於柏梁奉觴具邇句傲聯吟之體屢給札以賡歌文哀稽古之編會攜毫而作序是以銀潢篤慶宗盟共式風儀或當翠驂展巡朝政常資綜理凡朕心之倚注由王德之嘉承方欣六甲同週庶純禧之永錫豈意三秋乍屆迺薄疾之俄嬰暫因請假以養和亟命尙醫而往視謂尅期之可愈何閱日之轉增朕深用隱憂親臨慰問親形神之綿悒彌殷執手之詢囑藥餌之均調尙致延齡之望忽傳凶問深切痛懷躬行奠醊之儀準舉輟朝之典頒帑金以庀事遣皇子以臨喪



太妃之暮齒方高待予申養後嗣之賢聲勿替綿汝崇  
封芳俎頰陳旣因時以將祀靈輻載輓仍表行以  
易名言睠新坐待標貞石於戲六十載情深棗萼  
驚忽斷於連枝億千年光闕松阡冀垂休於奕葉  
宣茲悲悃視此誄辭昭示方來光譽無斁

皇朝文典

卷六七

八

宣慈悲悃賦出精神示式來光譽無斁

講洽淵源賦好勸于平我閱必刊莫匪入

具名言睠新坐待標貞石於戲六十載情深

桂芳俎頰陳旣因時以將祀靈輻載輓仍表

太妃之暮齒方高待予申養後嗣之賢聲勿替綿汝崇

和碩顯謹親王碑文 乾隆三十七年

編修臣曹仁虎恭撰

朕惟備崇封於帝室秩冠頌瑣推宿齒於宗盟儀  
隆賜杖恩先敦本每懷玉牒之分輝典重飾終彌  
惜金枝之掩采情傷挽紼禮具銘碑惟王稟氣冲  
和持躬淑慎瀾派出

文皇之系綿陔偏長承封當

聖祖之朝分茅最久小心飭渠昭禮度以無愆耆德流祀  
荷恩施於勿替向香山而繪像衣冠先九老之班  
開策府以延床帶礪重諸王之列方冀遐年之更  
享何期奄逝之遽聞展祀以時旣雕筵之疊薦易

皇朝文典 卷二十七

九

名有憲庶隧道之丕光象厥生平諡之曰謹嗚呼  
老成已謝空纏朱邸之悲譽望猶留永煥翠珉之  
色爾靈克慰奕禩爲昭

聖顯之昭衣采婦人小心道梁翠輿與以辨游香齋  
文皇之系綿陔偏長承封當

麻甘陳瑞貴斷處出

謝金林之謝采謝書謝應具幾縣王稟氣冲  
劉顯封恩尖楚李封對王期之衣戲典重相錄  
知非謝崇性外帝注將欲蘇黃並帝簡外宗盟

謝顯封恩尖楚李封對王期之衣戲典重相錄



和碩怡恭親王碑文

嘉慶四年

臣王蘇恭撰

朕惟九族肇翠媯之藉若木分華五宗增赤兌之昌維城錫祚溯鍾祥於麟定誼篤本支勒遺績於螭蚨恩昭奕葉維王家傳規矩心凜步趨昔侍

純皇篤邀

睿鑒近

天光而荷眷秉

祖訓以承庥列衛士于攸飛身依紫禁躋親班于特進封冠紅休族掌聯枝特講家人之禮學稽教胄常紬宗正之箴統軍則惠溥春旗綜務則秩隆內府留鑰握虎符之重隨鑾在豹尾之間圖積慶于仙源

皇朝文典

卷六十七

十一

祥臚椒衍書分讐于天祿瑞協藜然勳久著於服勤樂莫逾于爲善朕承大寶王益小心旣領事于御園復升華于秘苑方謂泉斟菊液桂邸常開豈期風折莫房桐珪易隕悼淪亡於秋實頌寵渥于春官錫謚爲恭用彰懿行於戲抒忠誠於宰木尚朝雙闕以敷陰表大雅於阡碑愈憶三雍之錫對如歌敦葺式煥長楸

和碩睿慎親王寶恩碑文

嘉慶七年

臣周兆基恭撰

朕惟懋績殊勲信史備詳夫燕翼貞珉丹篆豐碑  
特闡以鴻文朔竹帛於前光勳追桂邱愴屏藩於  
嗣哲石表葱阡世德作求眷懷靡已爾和碩睿慎  
親王寶恩珠瑩綺歲玉映鵬辰粹質秉於圭璋英  
姿挺於黼黻早分桐葉瑞鍾帝系皇枝夙寡梓材  
譽擅楚詩沛易身依宿衛承禁禦之清風心拱辰  
樞沐蓼蕭之湛露蔚有老成之望班冠彤墀克敦  
孝友之倫輝流瑤琬方冀遐齡久駐宗支綿賡衍  
之祥何期急景難留公族抱蘭摧之痛禮卿存問

皇朝文獻卷六十七

十一

遺疏旋聞典重醞朝情殷奠驚心堂構俄傷徂  
謝於三年太息箕裘竟鮮留遺之一脈總帷霜冷  
撫流光逝水以堪悲晝翼風淒指落葉空山而長  
往卹金營兆爰築佳城伐石摘詞用光幽壤表行  
特加之美謚其真能慎厥身修造化若假以長年  
足可繩其祖武於戲韶華易暮彌切繫懷世澤長  
流宜加崇禮緬此日親藩濟美絲綸鐫翠碣之華  
仰當年

皇考垂謨雷電發金滕之辨俾傳舊德式播賢聲



和碩顯親王丹臻碑文

臣陳元龍恭撰

自古衆建宗盟蕃屏王室藏之內府載在典書必  
曰國以永寧爰及苗裔矧一再傳之恩惟王潤衍  
天潢枝分玉葉爰自乃祖勤勞王家戰功旣高誠  
節茂著親藩是寵繼在後人逮及王身已歷三世  
每存寡過之志彌切樂善之懷朕篤念天倫特加  
深愛春秋宴會恩禮便蕃邸第優閑常垂勞勉方  
期遐福共享昇平疾忽聞慰問勤切賜之兼金  
乘馬示寵于生前特遣宮府大臣辦護其身後牲  
牢之數奠饗之期饋室之營豐碑之樹有司行事  
悉舉如章更爲王易名嘉謚曰密嗚呼豈特所以  
飾爾之終尙慰乃祖于九原俾知我國家展親報  
功真有罔替之恩亦俾爾子孫無忘先烈世世克  
承以享有終譽永言存歿欽我訓辭

皇朝文典

卷六十七

七

自古衆建宗盟蕃屏王室藏之內府載在典書必曰國以永寧爰及苗裔矧一再傳之恩惟王潤衍天潢枝分玉葉爰自乃祖勤勞王家戰功旣高誠節茂著親藩是寵繼在後人逮及王身已歷三世每存寡過之志彌切樂善之懷朕篤念天倫特加深愛春秋宴會恩禮便蕃邸第優閑常垂勞勉方期遐福共享昇平疾忽聞慰問勤切賜之兼金乘馬示寵于生前特遣宮府大臣辦護其身後牲牢之數奠饗之期饋室之營豐碑之樹有司行事悉舉如章更爲王易名嘉謚曰密嗚呼豈特所以飾爾之終尙慰乃祖于九原俾知我國家展親報功真有罔替之恩亦俾爾子孫無忘先烈世世克承以享有終譽永言存歿欽我訓辭

追封多羅克勤郡王岳託碑文

臣陳元龍恭撰

朕惟國家創業垂統必資夾輔之功展親保庸爰備始終之禮其或著有丕績則賜冊賜碑用昭惇欵而答勤勞舊章具在豈有靳焉爾多羅克勤郡王岳託乃禮親王之子

太祖高皇帝撫育宮中恩勤一體簡膺閫外謀勇兼優略明地自奉集堡進取瀋陽又因蒙古札魯特部落邀我使臣輿兵問罪斬昂安貝勒俘獲甚多暨乎太宗文皇帝嗣位之初實襄大策伐朝鮮之役身先用命攻城陷陣奏凱而還平錦州之役克取八臺盡獲

皇朝文獻卷六十七

十三

其積聚及兵次喀喇沁之青城力贊進取破大安口平馬蘭營敗明五隊來援之師圍永平之役進拔三河又銜命嵩征旅順所向無前遂殲敵帥後復征查哈爾鄂多斯二國獲玉璽寶印收其人民而安定之前後統攝兵部亦能其官

太宗文皇帝是用封爾爲和碩成親王世爲藩輔旋以罪貶爲多羅貝勒無何復授揚威大將軍率師南討甫有成烈遽卒於軍

太宗文皇帝追錄爾功贈多羅克勤郡王旣宏使過之仁復懋飾終之典親親而尚功薄爵而厚賞雖國恩優渥亦爾戮力之所致也朕祇承鴻業篤念舊勳



爰賜碑文勒之貞石俾垂永久爾之令名庶其有  
聞于奕世不亦休哉

皇朝文典

卷六十七

十四







世子宏普碑文

侍讀學士

臣

裘曰修恭撰

朕惟推恩錫類首自親親儀備始終情均存歿其賢聲克著懿行可風則瞻想遺徽尤加恩渥爾世子宏普乃和碩莊親王允祿之嫡子資性純明動遵禮度仰承

皇祖

皇考深恩養育讀書內廷朕顧此美材俾成令器冀收任使之用副茲眷注之殷何期甫及壯年溘焉長逝卽欲親臨弔唁而莊親王肫懇固辭爰命皇子及大臣奉詞致奠賜以賙金晉其爵秩更舉易名之典聿申褒德之文謚曰恭勤庶幾無忝嗚呼緬維

皇朝文典

卷六十七

六

疇昔軫惻彌深以爾檢行之躬不宜混於後世茲者豐碑始建兆域初開是用賁以龍章冠諸螭首撫歲時而致慨授憲典以加恩誼切哀榮道兼風示延於世世視此青珉

皇祖

歡

子宏普

子宏普

子宏普

世子宏普碑文

侍讀學士

奉恩鎮國公諾音托和碑文

編修臣董邦達恭撰

朕惟庸庸錫類國有常經備物飾終家承異寵在  
臣子敬共匪懈祗循分所當然而朝廷軫恤加隆  
每施恩於勿替絲綸重錫琬玉垂光爾奉恩鎮國  
公諾音托和早侍周廬久膺顯秩奉清芬於累世  
依禁近之崇班在公之庶務咸修持躬醇謹守位  
而始終如一宣力勤勞未享遐齡宜邀特典既易  
名以諭祭報爾前猷更勒石以貽休昭茲後葉於  
戲青松白石戴天家雨露之膏紫諾銀泥壯地府  
泉原之色豐碑永樹潛壤知榮



和碩懷恪公主碑文

臣 劉嵩齡恭撰

朕惟肅雍之美著於風詩婉婉之容彰於傳記故  
賁之丹誥而樹以青珉所以重銀潢昭壺德也爾  
和碩懷恪公主朕之女也玉質含章金枝蘊秀行  
諧箴史柔嘉悉本於性成度叶璜琚貞靜無違於  
義訓履豐守約允宜勳舊之家處貴能謙聿樹闡  
闡之範雖歲時代謝而芳躅具存夙深顧復之恩  
新煥絲綸之命乃稽成憲式表幽仄嗚呼龍章照  
耀長垂彤管之聲螭石嵯峨遙起青林之色傳示  
奕禩不亦休歎

皇朝文典

卷十七

七

奕禩不亦休歎  
朕惟肅雍之美著於風詩婉婉之容彰於傳記故  
賁之丹誥而樹以青珉所以重銀潢昭壺德也爾  
和碩懷恪公主朕之女也玉質含章金枝蘊秀行  
諧箴史柔嘉悉本於性成度叶璜琚貞靜無違於  
義訓履豐守約允宜勳舊之家處貴能謙聿樹闡  
闡之範雖歲時代謝而芳躅具存夙深顧復之恩  
新煥絲綸之命乃稽成憲式表幽仄嗚呼龍章照  
耀長垂彤管之聲螭石嵯峨遙起青林之色傳示  
奕禩不亦休歎

和碩柔嘉公主碑文

臣 王奕仁恭摺

朕惟典禮崇於淑德垂簡冊而常新恩施篤於懿親  
親歷歲時而無斲溯遺徽之未泯宜異數之特頒  
爾和碩柔嘉公主毓秀金枝分輝銀漢夙憫禮法  
既協節於珩璜懋著溫恭足垂型於戚晚生膺介  
福沒有令名仰惟

聖祖仁皇帝眷念之殷恩榮之渥初終罔替賙賻有加朕  
誕膺大寶敬體

洪慈用廣錫類之仁載舉展親之典表殊榮於貞碣昭隆  
禮於重泉於戲彤史留芳彌壯絲綸之色鴻章褒  
德允生琬爰之光沛此新恩永垂奕世

皇朝文典

卷本七

九



和碩超勇襄親王策凌碑文

編修臣湯大紳恭撰

朕惟國家賜卹之恩典彌隆於勲戚朝行酬庸之制禮尤備於哀榮其有秉圭組以列屏藩執干戈而固疆圉存效馳驅之力歿邊俎豆之馨則核行以易名期信今而傳後凡以宣揚國憲獎勵臣勞也惟定邊左副將軍固倫額駙和碩超勇襄親王策凌賦才勇毅稟性忠勤裔本名藩貴爲懿戚荷中朝之寵遇建一代之壯猷矢精白於寸心誠傾葵藿揚威武於絕塞淨掃欃槍逮事朕躬益虔侯度譽標宿將師中紀律之嚴望重長城闡外金湯之衛方

皇明文典

卷六十七

二十

深倚毘忽痛淪徂嗟過隙之莫留撫凌烟而永歎賜金以葬俾棲神於貴主之園命祀有加獲侑食於

廟廷之廡異數獨踰於五等崇祠用享於千秋鐫彝鼎以銘功載懷往績咨秩宗而考行表示來茲賜謚曰襄聿彰乃烈於戲駿業長垂於邊徼松楸懸日月之光鴻名弗替於初終琬玉煥幽潛之采垂諸奕世不亦休歟

和碩超勇襄親王策凌碑文

科爾沁和碩毅親王固倫額駙色布騰巴爾珠

爾碑文

中允臣曹仁虎恭撰

朕惟旌門展力必資參閻之才冊府銘庸尤重折  
衝之畧溯承恩於魯館久著賢勞傷盡瘁於蠻陬  
宜優寵卹名垂勒鼎禮具鐫珉爾科爾沁和碩毅  
親王固倫額駙色布騰巴爾珠爾秉性篤誠程材  
勤練榮分禮李重帝室之舊姻慶衍封茅備天家  
之高爵擢從藩服侍在禁廷維教養之能承遂勲  
名之克奮往以蕩平準部使之襄贊戎行霧帳連  
山方裴創而接戰星弧震野值乘勝以窮追汝則  
勇以濟忠少能制衆効宣威于月竊助運策於珠

皇朝文典 卷六十七

三

鈐是用嘉乃膚功被之懋賞贊西陲之底績爰偕  
諸將以圖形逢朔塞之歸誠俾率遠人而入覲倚  
毗是切歎歷方深逮偶蹈夫誓尤暫鐫顯秩實隱  
施夫鼓勵更策成勞邇當蜀徼之行師命赴軍營  
而佐畫蠶叢架入屢摧雪外之碉鼠穴窮搜直搗  
雲中之隘正捷音之叠奏迺夙疾之俄殷於是復  
厥崇封昭茲渥眷特遣尙醫而往診並令嗣子以  
偕行竟告奄徂彌深軫悼錫精鏐于內府典備飾  
終迎遺襯於郊堦儀崇遣奠旣因時以將祀仍表  
行以易名言象生平謚之曰毅於戲掃櫬槍之兵  
氣方看銅柱先標問杖杜之歸期應悵鐵衣遽逝



輝增紫閣褒之遺像猶存凱佇紅旗方召之殊  
勲不泯豐碑屹樹隧道丕光庶克永終式昭來許

皇朝文典

卷二十七

五

費揚古碑文

朕惟成勞茂著常流戚里之光渥澤重敷聿展明  
禋之典晉勳階于後裔申爵命于前賢所以推孝  
思循懿憲也外祖費揚古賦質英奇秉心忠蓋出  
則馳驅疆場屢奏膚功入則統制羽林彌昭偉畧  
既維勤于奉職亦克謹于持家外祖母多羅格格  
派分銀漢秀毓金柯環珮端莊相賢勞而作範閭  
闈雍穆裕哲嗣以垂慈爰篤慶于

皇朝文典 卷六十七

三

中宮遂疑休于外族班介圭而膺命服已邀追錫之榮備  
禮享而廓侯封特示優加之寵啟長筵于肇祀綿  
世爵於重盟於戲溯懿美以勒青珉輝騰泉壤播  
芬芳而留彤史名重河山永被眷懷式昭來許不  
亦休歟禮制待特示優加之寵啟長筵于肇祀綿  
世爵於重盟於戲溯懿美以勒青珉輝騰泉壤播  
芬芳而留彤史名重河山永被眷懷式昭來許不  
中宮遂疑休于外族班介圭而膺命服已邀追錫之榮備  
禮享而廓侯封特示優加之寵啟長筵于肇祀綿  
世爵於重盟於戲溯懿美以勒青珉輝騰泉壤播  
芬芳而留彤史名重河山永被眷懷式昭來許不

亦休歟禮制待特示優加之寵啟長筵于肇祀綿  
世爵於重盟於戲溯懿美以勒青珉輝騰泉壤播  
芬芳而留彤史名重河山永被眷懷式昭來許不  
中宮遂疑休于外族班介圭而膺命服已邀追錫之榮備  
禮享而廓侯封特示優加之寵啟長筵于肇祀綿  
世爵於重盟於戲溯懿美以勒青珉輝騰泉壤播  
芬芳而留彤史名重河山永被眷懷式昭來許不

費揚古碑文



陣亡頭等公內大臣都統舅舅佟國綱碑文

朕惟自昔勳舊之臣乃心王室平居恪勤職事左右宣勞一旦奉揚威命而忠不辭難勇不避險鴻名駿烈焜燿無窮史冊所書良足嘉歎爾佟國綱賦性貞純秉心淵塞親居元舅而敬以持身位列上公而謙能服物入則虔其宿衛出則筦領禁軍偉量夙重於巖廊令聞允孚於寮案乃者小醜構爭近逼邊圉三軍聲討簡佐元戎爾慷慨厲兵赴桓敵愾屬賊鋒之旣挫將棄壘以潛奔爾猶振甲直前提戈獨進銳志彌堅金石壯氣逾薄虹霓誓掃陸梁永清朔漠豈期上將遽殞師中夫爾以肺腑之親心膂之寄秩崇望峻勞久勳高假令偕眾旋軍亦可從容奏凱而義存憤激甘蹈艱危人盡如斯寇奚足矜易曰君子以致命遂志傳曰殺敵爲果致果爲毅惟忠生勇爾實兼之循行易名洵無媿矣嗚呼典禮加隆榮哀悉備英風震于邊徼勁節炳若丹青九原有知應無遺憾惟朕賸思懿戚篤念老成身後追褒久而滋痛特命所司勒文基石昭朕無已之懷亦俾後之人知所激勸焉





一品夫人覺羅氏碑文

臣孫在豐恭撰

朕惟帝王之道孝施於政而教成仁篤於親而民法此天下之大經人倫之至則也是以書言肇修詩成罔極蓋恩由敦本而隆禮必緣情而起愛慕時勤於懿訓褒崇宜及於茂親存則分介社之歿則頒厚終之典籙章具備國體攸存惟誥贈一等公佟圖賴妻誥封一品夫人覺羅氏乃

孝康慈和莊懿恭惠崇天育聖章皇后之母毓秀名門作儷巨室女德爲人中之瑞壺修啟天降之祥惟善積於厥身乃福凝於懿戚誕生

皇妣表範宮闈播千禩之徽音鍾於

皇朝文典

卷六十七

二十一

聖母綿萬年之景祚昇于朕躬憶從蚤歲遽隔

慈顏每念恩勤常餘哀慕睠令儀猶存于戚畹緬音容如覲於璇幃方期彌享大年豈謂淹歸原壤良深軫悼爰示褒揚特詔所司優以異數土田舊錫賄賄有加賜塋如一等公禮嗚呼布在方策事莫大於親親勒之貞珉光有垂于世世聿賁龍章之重渥于馬鬣之封昭茲來許其永無窮





孝儀純皇后曾祖父母碑文

嘉慶四年

臣

李鈞簡恭撰

朕惟椒塗澤遠家承架獲之貽某土封崇國美繇  
綸之報播前徽于戚晚四世推恩積餘慶於宮闈  
萬年啟緒旣析圭而列爵宜勒石以垂芳爾三等  
承恩公嗣興著族鼎門宣勞介士祥源濬發編鳳  
紀而流長奕葉榮開賁鴻章而本茂篤生

聖母外家慶衍于三傳庸建上公殊錫褒加於九命爾三  
等公夫人陳佳氏揚麻煬管表範慈幃欽燕喜之  
芳徽恭齊饋食荷龍光之茂典慶啟含飴

訓奉金根遙緬穆宣於壺則封俸紫綬用符尊禮于朝  
常於戲式考彝章茂追顯冊俾爾榮施于爾靈綬五

皇朝文典

卷之七

三

等最尊庶幾賞懋於旂常千秋斯永光茲豐碣勉  
瞻奉爾後昆

恭奉齊肅會商請次之茂典與海含韻

等公夫人則由丑恩和常管奏誠慈輿燧燕喜之  
聖母代來慶衍于三朝徽敷土公慈燧奕世於代命爾三  
等而前長奕葉榮開賁鴻章而本茂篤生

承恩公嗣興著族鼎門宣勞介士祥源濬發編鳳  
萬年啟緒旣析圭而列爵宜勒石以垂芳爾三等

餘之辭繼前徽于戚晚四世推恩積餘慶於宮闈  
萬年啟緒旣析圭而列爵宜勒石以垂芳爾三等

李鈞簡恭撰

嘉慶四年

臣

李鈞簡恭撰

孝淑皇后曾祖父母碑文

嘉慶四年

臣 王蘇恭撰

朕惟靈鍾涓涓應推毓瑞之源慶行龠山合溯承  
 庥之本播清芬於椒祀德冠六宮沛渥典於鸞書  
 恩加四世既剖信圭而錫爵宜銘樂石以流徽爾  
 三等承恩公愛星阿賦性淳和居官清白門多積  
 善裕國家之禎祥世有貽謀奉高曾之規矩儲茲  
 介福作內輔于宸樞賁以殊榮建上公子戚晚爾  
 三等公夫人王佳氏夙嫺母教克儷女宗表懿則  
 于中閨常存貞獲仰芳型於奕葉式啟洪庥職比  
 采繁形管絢五花之品禮同錫綬紫泥增八座之  
 光於戲茂典攸昭徽章永荷布新恩于朝右備極

皇朝文典 卷五七

五

優隆憶良佐于宮中倍深眷念表茲豐碣勵爾後

昆

于中閨常存貞獲仰芳型於奕葉式啟洪庥職比

三等公夫人王佳氏夙嫺母教克儷女宗表懿則

于中閨常存貞獲仰芳型於奕葉式啟洪庥職比

三等承恩公愛星阿賦性淳和居官清白門多積

善裕國家之禎祥世有貽謀奉高曾之規矩儲茲

介福作內輔于宸樞賁以殊榮建上公子戚晚爾

三等公夫人王佳氏夙嫺母教克儷女宗表懿則

于中閨常存貞獲仰芳型於奕葉式啟洪庥職比

采繁形管絢五花之品禮同錫綬紫泥增八座之

皇朝文典 卷五七 王蘇恭撰





恭阿拉碑文

編修臣

朕惟絲綸沛澤椒房屬在懿親主自  
 酬碩德恩隆任舊龍光蚤被於彛章典重飾終爵  
 命更優其寵禮爾原任禮部尚書三等公恭阿拉  
 華宗擢秀戚晚承輝西臺肅鷹繡之威左翼總鷹  
 揚之旅邦政邦土夏冬聯長卿曹教中教和禮樂  
 兼膺官守會典入參夫館局騎資翔驂崇班進直  
 夫經筵纓影孔翠曾荷壽觴之賜俄邀奠醑之頒  
 加公爵以示殊榮晉宮銜而彰渥眷諡曰勤愨象  
 厥生平昭夙夜以在公表精堅之素守於戲嘉宣  
 勞於祔日績耀貞珉期繼起於後賢慶流奕葉

皇朝文典

卷五十七

三

皇朝文典卷五十七  
 恭阿拉碑文  
 朕惟絲綸沛澤椒房屬在懿親主自  
 酬碩德恩隆任舊龍光蚤被於彛章典重飾終爵  
 命更優其寵禮爾原任禮部尚書三等公恭阿拉  
 華宗擢秀戚晚承輝西臺肅鷹繡之威左翼總鷹  
 揚之旅邦政邦土夏冬聯長卿曹教中教和禮樂  
 兼膺官守會典入參夫館局騎資翔驂崇班進直  
 夫經筵纓影孔翠曾荷壽觴之賜俄邀奠醑之頒  
 加公爵以示殊榮晉宮銜而彰渥眷諡曰勤愨象  
 厥生平昭夙夜以在公表精堅之素守於戲嘉宣  
 勞於祔日績耀貞珉期繼起於後賢慶流奕葉



安塔穆碑文

臣 王頊齡恭撰

朕惟國家禮以逮下嘗優卹于異時仁以推恩每酌施夫特典况當家門之式穀宜厯久遠以增榮爾盛京內務府掌關防印佐頌加三級安塔穆砥節奉公殫心循職嚮者留都禁地管領有方人已云遙績猶如在厥施未究後福何長有子克家美世官於閥閱有孫鍾淑佐雅化于宮闈湖茲降祥之所自來知爾積善之未有艾曾頌奠醊遺皇子以親臨特賜豐碑視故官而加禮成爾子顯親之孝表爾身裕後之榮於戲宰木維喬長煥陽春之色永臺不夜頓回白日之光勗爾子孫服我休命

佟養真碑文

正黃之雋恭撰

朕惟恭勤報國追卹宜隆忠勇傳家推恩自遠生  
則鞠躬於王事歿則綿澤於後昆是宜寵綽載新  
貞珉永勒所以光昭世美優答成勞也爾佟養真  
乃舅舅隆科多之曾祖早預從戎夙勤汗馬臨陣  
而勇能摧敵勞苦功高見危而奮不顧身舍生取  
義率長嗣以捐軀盡家兵而蹈刃

太祖高皇帝憫念英魂賞賚人戶完平生之節槩耀簡策  
之聲華是以忠孝之門慶流奕葉勲賢之裔光啟  
三傳繫惟戚畹之榮實篤盡臣之報朕用軫嘉遣  
烈特晉崇階追封爲一等公加贈太師謚曰忠烈

皇朝文典

卷空七

三

嗚呼凜然生氣金石不磨卓矣家風淵源可溯尚  
其銘諸華碣表於幽吁用以垂賁堂封增輝河嶽  
顧不偉歟

大清高皇帝聖訓金英勳賞賚人戶完平生之節槩耀簡策

義率長嗣以捐軀盡家兵而蹈刃

乃舅舅隆科多之曾祖早預從戎夙勤汗馬臨陣

而勇能摧敵勞苦功高見危而奮不顧身舍生取

義率長嗣以捐軀盡家兵而蹈刃

太祖高皇帝憫念英魂賞賚人戶完平生之節槩耀簡策

之聲華是以忠孝之門慶流奕葉勲賢之裔光啟





